

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
SKUPŠTINA KANTONA

**CILJEVI I POLITIKA
BOSANSKO-PODRINJSKOG KANTONA GORAŽDE ZA 2018. GODINU**

Goražde, Mart, 2018. godine

Na osnovu člana 23. stav 1. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj 8/98, 10/00, 5/03), Skupština Bosansko - podrinjskog kantona Goražde, na godišnjoj sjednici, održanoj _____ 2018. godine, **u t v r đ u j e:**

CILJEVE I POLITIKU BOSANSKO-PODRINJSKOG KANTONA GORAŽDE ZA 2018. GODINU

UVOD

Ciljevi i politika Bosansko-podrinjskog kantona Goražde za 2018. godinu su usmjereni ka izgradnji Bosansko-podrinjskog kantona Goražde (u daljem tekstu: Kanton) kao regiona sa kvalitetnim ljudskim resursima, konkurentnim privatnim sektorom, efikasnom administracijom i održivim korištenjem prirodnih resursa. Uz pomenutu viziju neizostavno se pojavljuju opšti ciljevi definisani na nivou države najvećim dijelom povezani sa evroatlanskim integracijama i okvir definisan reformskom agendom primjenljiv na nivou kantona.

Navedeno se nastoji ostvariti kroz utvrđene strateške i prioritete ciljeve i politike kao i aktivnosti koji su u potpunosti usklađeni sa širim strateškim okvirom u Bosni i Hercegovini.

U skladu sa navedenim a u kontekstu primjene novog radnog zakonodavstva i kolektivnog ugovaranja pristupit će se usaglašavanju i povećanju ličnih dohodaka minimalno 3 % na nivou osnovice za plaću i u istom kontekstu konačno pristupiti izradi i usvajanju Zakona o plaćama i naknadama uposlenih.

Procesi evropskih integracija su također značajno zastupljeni, prevashodno oblasti djelovanja na nivou Kolegija i Komisije za evropske integracije. Aktivnosti na realizaciji utvrđenih mjera iz akcionog plana za borbu protiv korupcije će se intenzivirati. Izvještaj o realizovanim aktivnostima iz reforske agende se pojavljuje kao logična aktivnost. Saradnja sa drugim institucijama i nivoima vlasti je Prostornim planom Kantona utvrđena kao prioritetnom u cilju poboljšanja stanja u Kantonu. U tom kontekstu ovu godinu će karakterisati formalizovanje saradnje i stvaranje okvira za saradnju putem čega će se realizovati zajednički projekti usmjereni na ostvarivanje ravnomjernog razvoja. Kroz zajednički projekat sa UNDP (ILDP) nivo sistema upravljanja razvojem će se podići na viši nivo kroz daljni razvoj dokumenta i izvještavanje i kreiranje projektnih okvira. Istovremeno obrađujući planske dokumente, Prostorni plan kantona i Strategiju razvoja, stvarat će se podloga za realizaciju utvrđenih ciljeva za naredni mandatni period. U skladu sa Odlukom Vlade o utvrđivanju javnog interesa i početak realizacije projekta cestovnog povezivanja poduzimat će se aktivnosti na doprinosu realizaciji projekta. Fokus djelovanja u 2018. godini će biti usmjeren na odluke Vlade Federacije BiH o korišćenju prirodnih resursa Kantona u pravcu kvalitetnog pozicioniranja i zaštite interesa Kantona.

Sa aspekta poboljšanja rada i opremljenosti institucija Kantona nastavit će se aktivnosti legalizacije i opremanja zgrade Vlade Kantona u smislu opremanja spratova objekta koji nisu građevinski dovršeni, sa posebnim akcentom na uspostavu šalterskog sistema komuniciranja sa

građanima. To istovremeno znači da će se redefinisati uloga Službe za zajedničke poslove. Grupisanje organa unutar objekta je cilj, a višak prostora koristiti u sklopu saradnje sa višim nivoima vlasti. Nastavit će se realizacija započetih postupaka legalizacije objekata u vlasništvu Kantona. Na nivou transparentnosti rada poduzimat će se aktivnosti na redefinisanju web stranice Vlade Kantona i uvođenja novih sadržaja. Konačno i u ovoj godini će se održavati i razvijati saradnja sa drugim nivoima vlasti i institucijama u BiH i entitetima, uključujući i lokalne zajednice i NVO kroz koje će nastaviti dobru praksu implementiranja projekata i privlačenja sredstava.

Na nivou poslovne zajednice 2018. godinu će obilježiti osnaživanje uloge i organizacije ekonomsko-socijalnog vijeća i osnivanje poslovnog savjeta kao stručno-konsultativnog tijela za razvoj ekonomskih i socijalnih politika u Kantonu. Kao nadogradnja i razvoj javnih službi u narednom periodu na nivou Vlade će se izraditi elaborati o opravdanosti osnivanja razvojne agencije Kantona i Javnog preduzeća za upravljanje i održavanje memorijala, spomen obilježja i drugih obilježja u Kantonu. Lokalno partnerstvo je odrednica djelovanja u 2018. godini.

Oblast finansija u 2018 godini određuje nekoliko relevantnih podataka koji aktivnosti ministarstva pored uobičajenih aktivnosti usmjeravaju prema razvoju mjera poboljšanja i rastu privrednih aktivnosti što se direktno pozitivno odražava na Budžet, dugoročnom razvoju mjera održavanja ravnoteže i ušteda u budžetskim izdacima i mjerama pozicioniranja Kantona u sistemu raspodjele javnih prihoda. U dijelu utjecaja na privredni rast aktivnosti će se usmjeriti na zakonske okvire dodatnog rasterećenja shodno preporukama Svjetske banke i doprinos izradi Zakona o lokalnom poslovanju kao budućeg osnovnog alata u ovom segmentu koji pozitivno utiče na prihode Kantona. Prateći Budžete u zadnjih 8 godina evidentno je da se Kanton suočava sa padom prihoda koji se kreću od 38,43 milona (2011), preko najnižeg nivoa prihoda od 30,09 miliona (2013) do ostvarenih 33,19 (2017) što u prosjeku predstavlja prihod od 35,16 miliona. Sa druge strane budžetska potrošnja prevashodno zasnovana na ostvarivanju zakonskih izdataka, utvrđenih prava i stvorenog okvira podrške općinama i transfernim izdvajanjima rashode određuje na nivou od 40,46, odnosno 39,21 milion iz 2011 i 2015. godine, rashoda od 34,26 iz 2013 do rashoda od 36,40 iz 2017. godine što u prosjeku rashode određuje na nivou od 36,74 miliona. Po osnovu navedenog u smislu smanjivanja pojedinih stavki potrošnje budžetskog okvira utvrdit će se trogodišnji plan mjera usmjeren na uravnoteženje. Na osnovu analitičke podloge izrađene u 2016 godini značajne aktivnosti će se voditi u vezi sa statusom kredita MMF koji se stavlja kantonu na teret.

Opredijeljena za ispunjavanje strateških i prioritarnih ciljeve sa akcentom na privredu i uspostavljanje pogodnog privrednog okruženja i dinamičnu privredu zasnovanu na prirodnim resursima i poslovnoj tradiciji je i dalje prisutno. Aktivnost koja će obilježiti ovu godinu je donošenje Zakona o lokalnom poslovanju, implementiranje sredstava namijenjenih za regresiranje kamata, donošenje Zakona o turizmu i regulisanje pitanja turističke zajednice. Također važna aktivnost se odnosi na nastavak aktivnosti u projektu sa Svjetskom bankom (IFC) vezanog za poboljšanje poslovnog okruženja kao jednog od zadataka iz reformske agende. Sa aspekta korišćenja resursa i primjene Zakona o koncesijama raspisat će se javni poziv za koncesiju rude gipsa i okončati započeti postupci ugovaranja.

Na nivou vodoprivrede i poljoprivrede nekoliko je aktivnosti koje će se voditi u ovoj godini. Na osnovu obezbjeđenih sredstava i u ovog godini će se nastaviti sa aktivnostima

čišćenja korita rijeke Drine u dijelu Ade ispod industrijske zone. Utrošak sredstava po osnovu vodnih naknada je konstanta prisutna u radu. Izdvaja se podrška zamjeni dijela cjevovoda ispred industrijske zone Vitkovići.

Po pitanju razvoja infrastrukture akcentat će se staviti na aktivnosti na dijelu regionalnog puta R-448, dionica započete aktivnosti u ulicama Meha Drljevića i ulica Višegradska. Biti će preduzete i aktivnosti na postavljanju horizontalne i vertikalne saobraćajne signalizacije a pružati će se i pomoć nižim nivoima vlasti u saniranju i modernizaciji lokalnih puteva na području Bosansko - podrinjskog kantona Goražde. U oblasti turizma pored zakonskog normiranja poduzimat će se aktivnosti na izradi prostorno planske dokumentacije turističkih zona. U ovom segmentu se pojavljuje potreba pojačane saradnje za JP Ceste FBiH u pogledu realizacije projekata modernizacije magistralnih cesta.

Kada je riječ o novim zapošljavanjima, nekoliko je aktivnosti koje su direktno povezane sa ovim ciljem. Prije svega na osnovi liste prioriternih projekata Vlade FBiH nastaviti ćemo sa zahtjevima za daljnjim investiranjem dobiti unutar privrednih subjekata na području BPK-a. Ponovo će se realizovati „Program stručnog osposobljavanja“, koji se odnosi na omogućavanje sticanja prvog radnog iskustva svim licima sa evidencije nezaposlenih a koja imaju visoku stručnu spremu. Također će se realizovati dio sredstava za podsticaje i aktivirati realizacija sredstava doznačenih od strane Vlade FBiH usmjerenih na zapošljavanje putem Službe za zapošljavanje.

Sistem uprave u 2018. godini obilježiti će nastavak provedbe aktivnosti definisan izrađenim Akcionim planom za provedbu analize stanja uprave. Pristupit će se izmjenama i dopunama Ustava Kantona i razvoju implementacije zakona u ministarstvima u cilju pozicioniranja poslova ureda za zakonodavstvu unutar resornog ministarstva kao neophodnog alata u daljnjim procesima integracija. Segment sigurnosti u ovom 2018. godini će dominantno obilježiti programi povećanja sigurnosti i suzbijanja različitih oblika društveno opasnog ponašanja.

Odrednica u obrazovanju je nastavak modernizacija sistema obrazovanja u smislu infrastrukturnog poboljšanja. To podrazumjeva završetak mjera energetske efikasnosti na objektu škole u Vitkovićima u iznosu od 100 000,00 KM. Putem projekata sa partnerskim organizacijama, u skladu sa predloženim mjerama iz Strategije razvoja unaprijedit će se uslovi rada u školama pri čemu se izdvaja grant od 200 000,00 KM obezbjeđen sa viših nivoa vlasti. U oblasti razvoja sistema obrazovanja izdvaja se Strategija o obrazovanju odraslih.

Oblast zdravstva prevashodno će obilježiti implementacija Akcionog plana za poboljšanje stanja u zdravstvu. Prioritetno se izdvajaju aktivnosti implementacije kolektivnih ugovora, specijalizacije ljekarskog kadra, poduzimanje aktivnosti na uspostavi dijalize i uspostavu informacionog sistema u zdravstvu. Zdravstvo za sve je nastavak aktivnosti. Provođit će se aktivnosti unaprijeđenja uslova rada u J.U. Starački dom. Na osnovu potpisanog sporazuma sa višim nivoima vlasti i općinama krenut će se sa aktivnostima zatvaranja kolektivnih centara.

Pitanje boračke zaštite je svakako bitno u smislu implementacije ostvarenih prava, poboljšanja stanja osiguranja smještaja boraca i ukupnog poboljšanja statusa, kao i analiziranja postignutih efekata postojećih intervencija. Kvalitetnije obilježavanje značajnih događaja i

datumima se pojavljuje kao bitna aktivnost. Izrada Monografije Goražde-grad heroj 1992-1995 je također odrednica djelovanja u ovoj godini. Izrada investiciono-tehničke dokumentacije za centralno spomen obilježje i spomen obilježje Zaimu Imamoviću je ključna aktivnost u ovom segmentu i početak rekonstrukcije centralnog spomen obilježja. Pružit će se podrška projektu „Memorijal šuma“ u sklopu kojeg je i spomen soba 1. Drinskoj brigadi.

U sektoru urbanizma i prostornog uređenja, stambene politike i zaštite okoliša najizraženije aktivnosti se ponovo odnose na provedbu Projekta „zeleni ekonomski razvoj“. Kroz udruživanje sredstava sa UNDP BiH realizovati će se najmanje dva projekta utopljanja javnih objekata. Na osnovu usvojenih projekata implementacije u ovoj godini počinje izgradnja novog stambenog objekta za nabavku stana po povoljnijim uslovima Lamela H3. U zakonodavnom smislu usvojiti će se Zakon koji reguliše oblast upravljanja zajedničkim prostorijama i zakon koji doprinosi poboljšanju poslovnog okruženja u dijelu oblasti građenja.

Na nivou uprava, upravnih organizacija i ustanova pored redovnih stručnih poslova iz nadležnosti pojačat će se monitoring rada i vršiti redefinisane ciljeve u odnosu na polugodišnje izvještaje i u zavisnosti od provedbe reformi na višim nivoima i u kantonu. Izdvaja se djelovanje Civilne zaštite usmjereno na povećavanje materijalno-tehničke opremljenosti.

Kroz sve sektore rada nastojat će se postići veći obim saradnje sa drugim, višim nivoima vlasti, međunarodnim organizacijama i civilnim društvom, kao oblika ostvarivanja dodatnih finansijskih potpora projektima i budžetu.

STRATEŠKI CILJEVI U 2018. GODINI

Bosansko-podrinjski kanton Goražde kao ustavna kategorija unutar Bosne i Hercegovine i Federacije BiH svoje strateške ciljeve određuje u okviru šireg okvira istovremeno cijeneći specifičnosti samog kantona i lokalnih zajednica u njegovom sastavu. Osnovni strateški ciljevi Bosansko-podrinjskog kantona su definisani Strategijom razvoja za period 2016-2020 a u cilju osiguranja vertikalne i horizontalne integracije, naslonjen je na Strategiju razvoja BiH 2010-2020, Strategiju socijalne uključenosti BiH 2010-2020., Reformsku agendu koju je prihvatilo Vijeće ministara BiH, Vlada FBiH i Vlada kantona. Također, u obzir se mora uzeti Višedržavni strateški dokument za IPA II 2014-2020. koji je usvojila Evropska komisija 30.6.2014. godine, te sa Indikativnim strateškim dokumentom za BiH IPA II 2014-2017. koji je usvojila Evropska komisija 15.12.2014. godine. Vijeće Evrope je u Briselu, 17.06.2010. godine usvojilo dokument „Evropa 2020“ kao svoju novu strategiju za zapošljavanje, pametan, održiv i inkluzivan razvoj – što također mora biti uzeto u obzir kod programiranja rada u ovom i narednom periodu. Pored svega navedenog postoji i niz sektorskih strategija u oblasti pravosuđa, uprave, obrazovanja, socijalne politike, zaštite okoliša i dr. što utiče na konačno definisanje ciljeva i politika i u zavisnosti od dostupnih finansijskih sredstava utiče na programske mjere i aktivnosti u 2016. godini.

Strateški ciljevi iz Strategije razvoja kantona 2016-2020 su strukturirani na slijedeći način:

Strateški cilj 1: Uspostaviti pogodno privredno okruženje i dinamičnu privredu, zasnovanu na prirodnim resursima i poslovnoj tradiciji

Za ostvarenje vizije razvoja BPK Goražde ključno je obezbijediti uslove za razvoj privrede koja je osnovni generator razvoja i koja stvara preduslove za društveni napredak, razvoj infrastrukture i veći stepen zaštite okoliša. Zbog toga je kao prvi strateški cilj razvoja BPK Goražde definisano uspostavljanje pogodnog privrednog okruženja i dinamične privrede, koje će se zasnivati na korištenju svih raspoloživih potencijala, prije svega prirodnih resursa i poslovne tradicije. Ovim ciljem će se postići pozitivni efekti koji se odnose na povećanje izvoza, razvoj malih i srednjih preduzeća, ruralni razvoj, obogaćivanje turističke ponude te unaprijeđenje putne infrastrukture, a koji su obuhvaćeni prioriternim ciljevima u okviru prvog strateškog cilja razvoja BPK Goražde.

U cilju ostvarenja strateškog cilja uspostavljanja pogodnog poslovnog okruženja i dinamične privrede BPK Goražde, definisano je pet prioriternih ciljeva. Krajni ishodi definisanih prioriternih ciljeva treba da doprinesu: razvoju industrijske proizvodnje kroz povećanje fizičkog obima industrijske proizvodnje, povećanje izvoza, povećanje proizvodnje domaćih ulaznih komponenti za industriju i smanjenje uvoza, kao i povećanje ukupnih ostvarenih investicija u sektoru industrije; zatim razvoju ruralnih sredina kroz povećanje poljoprivredne osnove (površine obrađenog zemljišta, stabala voća, grla stoke) i proizvodnje šumskih sortimenata; razvoju turizma kroz obogaćivanje turističke ponude i privlačenje turista za povećanje dolazaka i noćenja turista na području BPK Goražde; razvoju poduzetničke infrastrukture i poslovnog okruženja za povećanje broja poslovnih subjekata i zapošljavanja; te razvoju putne infrastrukture i povezanosti BPK Goražde sa susjednim regijama kroz izgradnju cesta, te rekonstrukciju lokalnih puteva i izgradnju mostova.

Strateški cilj 2: Učiniti BPK Goražde mjestom kvalitetnog življenja

Unapređenje kvaliteta življenja kroz stvaranje održivog i inkluzivnog društvenog okruženja je strateški cilj razvoja BPK Goražde koji će se postići kroz unapređenje kvaliteta usluga javne uprave i jačanje segmenta pravde i sigurnosti, jačanje i podršku obrazovanju, sportu i kulturi i unapređenje tržišta radne snage, unapređenje kvaliteta življenja stanovnika BPK Goražde oslanjajući se na poboljšane zdravstvene usluge i reformskim aktivnostima u oblasti socijalne zaštite. Neophodno je voditi računa o kontinuiranom razvijanju ljudskih potencijala, te razvoju sadržaja za sve društvene grupe na području BPK Goražde, jer socijalna uključenost se smatra ključnim uslovom za održiv dugoročni razvoj. Data oblast obuhvata 4 prioriteta kojima se ostvaruje drugi strateški cilj razvoja BPK Goražde.

Sama svrha lokalnog ekonomskog razvoja je proces poboljšanja ekonomskog kapaciteta lokalne zajednice u nastojanju da se poboljša njena ekonomska budućnost i kvaliteta života njenih građana. U tom procesu, sve interesne skupine su vrlo bitne za socio-ekonomski rast i razvoj. Osiguranje visokog stepena sigurnosti građana, kontinuirano razvijanje ljudski potencijal BPK Goražde kroz obrazovanje, sport i kulturu, unapređenje tržišta radne snage, osiguranje

pravednog sistema socijalne i zdravstvene zaštite baziranog na potrebama kantona su ključne težnje i prioritetni ciljevi u sklopu drugog strateškog cilja u periodu 2016-2020. godine.

Strateški cilj 3: Osigurati održivo upravljanje okolišem i jačati infrastrukturne kapacitete Kantona

Imajući u vidu da BPK Goražde teži ka industrijskom razvoju, uključujući i unapređenje poslovnih zona, neophodno je osigurati efikasnu uspostavu i instrumente implementacije mjera zaštite okoliša i očuvanja prirode kako bi se razvijale i ostale privredne grane te obezbijedio kvalitetan život za građanstvo Kantona. Kako bi se osiguralo održivo upravljanje okolišem i prirodnim resursima, omogućila kvalitetna komunalna usluga stanovnicima BPK Goražde, te stvorile osnovne pretpostavke za dalji razvoj privrede, zacrtan je treći strateški cilj. Ovim ciljem će se postići pozitivni efekti i stvoriti svi preduslovi i normativni okviri za doprinos u zaštiti i očuvanju okoliša kroz unapređenje infrastrukture u domenu informacionih sistema za integralno upravljanje okolišem, unapređenje komunalne infrastrukture te zaštitu i sanaciju okolišnih komponenti (voda, zemlja, zrak), te zaštitu i unapređenje prirodnih resursa i obnovljivih izvora energije.

Prioritetni ciljevi su: Osigurati efikasnu uspostavu i instrumente implementacije mjera zaštite okoliša i očuvanja prirode; Jačati komunalne infrastrukturne kapacitete; Povećanje energetske efikasnosti postojećih potrošača i unapređenje korištenja obnovljivih izvora energije.

Strateški cilj 4: Razviti kvalitetnu i efikasnu javnu upravu u službi građana Kantona

Proces pristupanja Evropskoj uniji i potrebe građana pred javnu upravu u BiH postavlja nove zahtjeve i obaveze. Da bi se odgovorilo ovim zahtjevima javna uprava mora povećati svoje kapacitete. U razvoju BPK Goražde, ključnu ulogu ima javna uprava, prvenstveno uprava Kantona i pratećih institucija u nadležnosti istog. Povećanje kapaciteta se može postići kreiranjem novih kapaciteta i usluga ili povećanjem efikasnosti postojećih kapaciteta i usluga. Prioritetni ciljevi su jačanje efikasnosti, efektivnosti i transparentnosti javne uprave Kantona, te modernizaciju svih njenih usluga u skladu sa savremenim trendovima.

Doprinos ostvarenju pomenutih strateških ciljeva ostavlja široke mogućnosti razvoja aktivnosti. Realizacija ukupno navedenog strateškog okvira kroz mjere i aktivnosti Vlade u 2018. godini uveliko će zavisiti od ukupnih aktivnosti vlasti u Federaciji BiH, saradnje i finasijskog okvira koji će biti ostvaren u toku budžetske godine.

Imajući u vidu rezultate, obaveze, probleme, iskustva kao i ciljeve iz strategije i ciljeva Vlade Kantona i resornih ministarstava, Bosansko-podrinjski kanton Goražde u toku 2018. godine planirala ostvarivanje svojih strateških ciljeva zasebno po resorima. S tim u vezi, u nastavku dokumenta utvrđeni su i određeni ciljevi i politike Bosansko-podrinjskog kantona Goražde za 2018. godinu po resorima.

FINANSIJE

Na području našeg Kantona u nekoliko zadnjih godina zabilježena su pozitivna privredna kretanja te osjetan ekonomski razvoj ali obzirom da je u predhodnim godinama došlo do značajnog smanjenje prihoda od indirektnih poreza postoji opasnost da isti ekonomski razvoj u narednom periodu bude usporen zbog nemogućnosti provođenja potrebnih mjera ekonomske politike odnosno prije svega zbog nemogućnosti finansiranja razvojnih i infrastrukturnih projekata kao i zbog nemogućnosti povećanja javne potrošnje na području Kantona.

Međutim iako je došlo do smanjenje prihoda od indirektnih poreza u narednim godinama treba iskoristiti pozitivna privredna kretanja te provođenjem odgovarajućih koegzistentnih politika na nivou Kantona stvoriti pretpostavke za daljnji ekonomski razvoj Kantona a na taj način stvoriti pretpostavke i za povećanje prihoda što je neophodno kako bi se obezbjedila potrebna sredstva za odgovarajuće finansiranje institucija kantona te aktivnosti od značaj za Kanton odnosno kako bi se održao postojeći nivo životnog standarda, javne potrošnje, socijalne i zdravstvene zaštite.

Dakle postizanje finansijske stabilnosti je neophodno za održavanje i poboljšanje postojećeg nivo životnog standarda, javne potrošnje, socijalne i zdravstvene zaštite odnosno za poboljšanje uslova življenja što predstavlja jedan od strateških cilj Kantona prema Strategiji razvoja Bosansko-podrinjskog kantona Goražde za period 2016.-2020. godina.

Zbog naprijed navedenog strateški cilj je kao u u predhodnim godinama postizanje finansijske stabilnost Bosansko-podrinjskog kantona Goražde:

Finansijska stabilnost Bosansko-podrinjskog kantona Goražde planira se dostići realizacijom tri prioriteta cilja u 2018.godini:

1. Pravovremeno, kratkoročno i srednjeročno finansijsko planiranje te adekvatno planiranje novčanih tokova radi održavanja odnosno postizanja finansijske stabilnosti
2. Unaprjeđenje rada i podizanje finansijske odgovornosti na viši nivo
3. Iznalaženje odgovarajućih sistemskih rješenja za povećanje javnih prihoda Bosansko-podrinjskog kantona Goražde

Prioritetni zadaci u resoru finansija za 2018.godinu:

Ostvarenje prioriteta ciljeva planirano je kroz provođenje prioriteta zadataka, aktivnosti i mjera tokom 2018. godine i to

Prioritetan zadatak: Pravovremeno kratkoročno i srednjeročno finansijsko planiranje te racionalizacija javnih prihoda radi održavanja odnosno postizanja finansijske stabilnosti

U svrhu doprinosa ostvarenju strateškog cilja održavanja fiskalne stabilnosti Bosansko-podrinjskog kantona Goražde Ministarstvo za finansije će pravovremeno izraditi Budžet Bosansko-podrinjskog kantona Goražde za 2019. godinu, Zakon o izvršenju Budžeta Bosansko-podrinjskog kantona Goražde za 2019. godinu, te Dokumentovirnog budžeta (DOB-a) za period 2019.-2021. godine u skladu sa propisanim kalendarom.

Navedenim dokumentima će se težiti racionalizaciji javnih rashoda a ista u velikoj mjeri zavisi od usvajanja odnosno izmjene niza propisa koji nisu u nadležnosti Ministarstva za finansije a kojima bi trebalo uspostaviti restriktivnije politike prije svega u oblastima u kojima je

predviđeno doznačavanje transfera po raznim osnovama. Pored toga finansijsku stabilnost kao cilj ka čijem postizanju će biti usmjeren rad u 2018. godini pokušat će se postići kroz adekvatan plan novčanih tokova zasnovan na pretpostavci kvalitetno planirane dinamike svih prihoda i svih izdataka definisanih kroz finansijske planove budžetskih korisnika.

Također, radit će na praćenju, analizi, kontroli i konsolidaciji utroška budžetskih sredstava na nivou Bosansko-podrinjskog kantona Goražde i vanbudžetskih fondova, pravovremenom izvještavanju o realizaciji Budžeta Bosansko-podrinjskog kantona Goražde, a sve sa ciljem poduzimanja mjera u svrhu osiguranja finansijske stabilnosti Kantona.

Prioritetan zadatak: Unaprjeđenje rada i podizanje finansijske odgovornosti na viši nivo

Podizanje finansijske odgovornosti na viši nivo će s postići prije svega boljom organizacijom i jačanjem interne kontrole i interne revizije odnosno potpunom primjenom svih važećih propisa i pravilnika a posebno propisa i pravilnika koji se odnose na finansijsko upravljanje i kontrolu. Poseban značaj u ovom segment će imati početak rada budžetske inspekcije kojom je uspostavljen kontrolni mehanizmi pri budžetiranju odnosno funkcioniranju trezora.

Prioritetan zadatak: Poduzimanje odgovarajućih mjera i aktivnosti na iznalaženju rješenja za povećanje javnih prihoda Bosansko-podrinjskog kantona Goražde

U saradnji sa Federalnim ministarstvom finansija odnosno Poreznom upravom Federacije Bosne i Hercegovine te drugim nadležnim institucijama Ministarstvo planira u 2018. godini osigurati ili inicirati provođenje potrebnih aktivnosti u cilju postizanja odgovarajućih sistemskih rješenja za povećanje javnih prihoda Bosansko-podrinjskog kantona Goražde.

Postizanje odgovarajućih sistemskih rješenja za povećanje javnih prihoda u Bosansko-podrinjskom kantonu Goražde je cilj kojem se teži već duže vrijeme, a u 2018. godini isti će se pokušati postići prije svega:

- poduzimanje potrebnih aktivnosti kako bi inicijativa Ministarstva za finansije Bosansko-podrinjskog kantona Goražde za izmjenu Zakona o pripadnosti javnih prihoda u Federaciji Bosne i Hercegovine bila prihvaćena u što većoj mjeri kako bi se u narednim godinama na taj način povećalo učešće Bosansko-podrinjskog kantona Goražde u raspodjeli javnih prihoda,

- kreiranjem u oblasti porezne politike za 2018. godinu poreznih politika iz oblasti poreza koji su u nadležnosti Bosansko-podrinjskog kantona Goražde koje će uticati na povećanje prihoda te stvaranje povoljnijih uvjeta za zapošljavanje i investicije.

- kontinuiranom saradnjom sa Poreznom upravom u cilju efikasnije naplate javnih prihoda

PRIVREDA

1. Prioritetni ciljevi u resoru privrede za 2018. godinu

Shodno Strategiji razvoja Bosansko-podrinjskog kantona Goražde za period 2016-2020.godina („Službene novine Bosansko-podrinjskog kantona Goražde“ broj:4/16) Strateški cilj 1 jeste uspostava povoljnog privrednog okruženja i dinamičke privrede, zasnovane na prirodnim resursima i poslovnoj tradiciji. Aktivnosti na osiguranju snažne privredne infrastrukture Bosansko-podrinjskog kantona Goražde imaju za cilj podsticati rast konkurentnosti prerađivačke industrije na području kantona što će pozitivno utjecati na povećanje broja radnih mjesta u privredi i poljoprivredi. Ostvarivanje strateškog cilja će se realizovati implementacijom prioritetnih ciljeva, i to:

1. Jačanje privrede i poticanje izvozno orjentisane industrije kroz unaprijeđenje kvaliteta proizvoda i tehnologija u strateškim industrijama BPK Goražde uz fokus na čiste tehnologije, kreiranje atraktivnih mogućnosti za privredna ulaganja domaćih i stranih investitora, podršku izvozno orjentisanoj privredi i supstituciji uvoza domaćom proizvodnjom
2. Razvoj ruralne sredine korištenjem poljoprivrednih i turističkih potencijala kroz primjenu LEADER pristupa i diverzifikacije u ruralnom razvoju, podršku i povećanje obima i konkurentnosti poljoprivredne proizvodnje, povezivanje proizvođača iz ruralnih krajeva sa tržištem, korištenje šumskih proizvoda u svrhu ruralnog razvoja, razvoj ruralne turističke ponude
3. Razvoj turističke ponude i infrastrukture u skladu sa raspoloživim potencijalima kroz izgradnju turističkih destinacija/lokacija kulturno-historijskog i prirodnog naslijeđa, izgradnju sportsko-rekreativne ponude, unaprjeđenja riječnog i planinskog turizma, promociju turističke ponude i podrške turističkim manifestacijama i događajima
4. Unaprijeđenje poduzetničke infrastrukture i poslovnog okruženja kroz unaprijeđenje postojeće i izgradnju nove poduzetničke infrastrukture, unaprijeđenje poslovnog okruženja kroz reformu zakonskog okvira BPK Goražde i promociju pogodnosti, podrška za zapošljavanje
5. Unaprjeđenje putne infrastrukture kroz izgradnju i rekonstrukciju regionalnih cesta

Pored ovih prioritetnih ciljeva, u 2018. godini ciljevi u resoru privrede su:

1.1. Jačanje privrede i poticanje izvozno orjentisane industrije

Prvi prioritetni cilj odnosi se na jačanje privrede i poticanje izvozno orjentisane industrije, ostvarivaće se kroz sljedeće aktivnosti :

- podrška privrednim društvima za povećanje proizvodnje, uključujući uvođenje novih proizvoda i tehnologija u strateškim industrijama
- praćenje realizacije uspostavljenog revolving fonda za podsticanje rada privrednih subjekata
- podrška privrednim društvima za uvođenje/ obnavljanje međunarodnih standarda za izvoznu konkurentnost
- podrška programima zapošljavanja uprerađivačkoj industriji
- implementacija partnerstva za pisanje projekata za jačanje kapaciteta privrede (implementacija sporazuma)
- podrška uspostavljanju tehnološkog pakta

- uspostavljanje baze podataka za investitore – portal za investicijske projekte na području BPK Goražde
- usklađivanje zakonodavnog okvira
- priprema, promocija i realizacija projekata JPP – va
- promocija privrede BPK Goražde na sajmovima u BiH i inostranstvu
- uspostavljanje lanca vrijednosti (klastera) za podsticanje domaće proizvodnje ulaznih komponenti za strateške velike proizvođače
- podsticaji za izvozno-orjentisane proizvođače
- izdavanje „privrednog vodiča“ na engleskom i njemačkom jeziku.

1.2. Razvoj ruralne sredine korištenjem poljoprivrednih i turističkih potencijala

Drugi prioritetni cilj odnosi se na razvoj ruralne sredine koristeći poljoprivredne, šumske i turističke potencijale i ostvarivaće se kroz sljedeće aktivnosti:

- uvezivanje općina sa područja BPK Goražde u LAG-ove odnosno lokalne akcione grupe
- sanaciju i asfaltiranje ruralne infrastrukture (putne, komunalne i el.infrastrukture)
- izgradnju sistema za navodnjavanje (Hrenovica)
- uvođenje novih usluga na poljoprivredno gazdinstvo
- obezbjeđenje većih podsticajnih mjera za poljoprivrednike
- studija poljoprivrednih mogućnosti i mogućnosti okrupnjavanja poljoprivrednog zemljišta na području BPK Goražde
- izdavanje pod zakup državnog poljoprivrednog zemljišta
- edukacija poljoprivrednih proizvođača u vezi sa podizanjem novih zasada voća, sjetva i sadnja ratarskih povrtnih kultura
- edukacija proizvodnji organskih proizvoda i ekonloškoj poljoprivrednoj proizvodnji
- podrška poljoprivrednicima u certifikaciji kvaliteta poljoprivrednih proizvoda
- koinzistentna registracija poljoprivrednih proizvođača
- podrška uspostavljanju klastera za poljoprivrednu proizvodnju
- razvoj sistema otkupa i realizacije klasiranje na tržište kroz robne rezerve, programe kupujmo domaće i isplatu za socijalna davanja
- jačanje kapaciteta zadruge i udruženja poljoprivrednika
- promocija poljoprivredne proizvodnje BPK Goražde na sajmovima
- povećanje zasada perspektivnih kultura i uspostavljanje skladišnih prerađivačkih kapaciteta
- edukacija o prikupljanju šumskih nedrvenih proizvoda i povezivanje sa proizvođačima
- obnavljanje šumskih potencijala
- edukacija o značaju šuma i prevenciji
- edukacija i opremanje seoskih domaćinstava za ruralni turizam
- izgradnja lovačkih domova i promocija lovstva
- izgradnja sportsko – rekreativnih centara i izletišta
- izgradnja ski liftova
- podrška tradicionalnim manifestacijama u ruralnim područjima

1.3. Razvoj turističke ponude i infrastrukture u skladu sa raspoloživim potencijalima

Treći prioritetni cilj odnosi se na razvoj turističke ponude i infrastrukture u skladu sa raspoloživim potencijalima i ostvarivaće se kroz sljedeće aktivnosti:

- izgradnja zaštićene zona nekropola - stećaka Hrančići- Goršić Polje
- izradom kapije na mjestu prelaska osmanlija preko Drine
- izgradnja parka Rimskog mosta
- izgradnja centra drinskim mučenicama
- podrška izgradnji etno - sela
- podrška rekonstrukcija etno – sela
- Botanički park prirode „Modran“
- izrada projektne dokumentacije za sportsko – rekreativni centar Toplik
- izgradnja brdskih biciklističkih staza
- podrška izgradnji sportsko -. rekreativnih sadržaja
- nastavak izgradnje skijališta Kriva Draga itd.

1.4. Unaprijeđenje poduzetničke infrastrukture i poslovnog okruženja

Četvrti prioritetni cilj odnosi se na unapređenje poduzetničke infrastrukture i poslovnog okruženja i ostvarivaće se kroz sljedeće aktivnosti:

- izgradnja novih industrijskih zona
- proširenje / rekonstrukciju postojećih industrijskih zona
- angažovanje neperspektivnih vojnih objekata na području BPK Goražde u svrhu privrednog razvoja
- sufinansiranje infrastrukturnih projekata unutar industrijskih zona
- izrada studije opreavdanosti uspostavljanja poslovne zone na lokalitetu Haldište
- program podrške preduzećima u industrijskim zonama za modernizaciju i zapošljavanje i izradu monografija industrijskih zona
- uspostavljanje info pultova za registraciju preduzeća i drugih poslova vezanih za otpočinjanje biznisa
- program podrške za MSP i obrta uključujući olakšice za novoosnovane privredne subjekte
- izmjene zakonskog okvira za smanjenje parafiskalnih nameta
- promovisanje primjene modela JPP
- razvoj zakonodavnog okvira za koncesije
- zona unapređenja poslovanja BIZ Goražde- Centar za pružanje usluga za MSP
- razvijanje programa prezentovanja mogućnosti uključivanja dijaspore i jačanje kapaciteta institucija nadležnih za ova pitanja
- program sufinansiranja pripravničkog staža mladih
- program sufinansiranja zapošljavanja dugoročno nezaposlenih osoba
- program zapošljavanja žena
- program obuke, dokvalifikacije i prekvalifikacije
- program zapošljavanja dugoročno nezaposlenih osoba sa VSS
- program obuke nezaposlenih osoba.

1.5. Unaprjeđenje putne infrastrukture

Peti prioritetni cilj koji se odnosi na unaprjeđenje putne infrastrukture i ostvarivaće se kroz slijedeće aktivnosti:

- izgradnja ceste Sarajevo – Goražde
- rekonstrukcija mosta „Žrtava genocida u Goraždu“
- rekonstrukcija raskrsnice magistralne ceste M-20 i priključne saobraćajnice iz naselja Vitkovići
- modernizacija magistralne ceste M -20, dionica od priključka ulice 22.maja do priključka ulice Muhidina Mašića Munje
- modernizacija i rekonstrukcija regionalne ceste R 448 Hrenovica- Goražde
- izgradnja raskrsnice kružnog toka u ulici Zaima Imamovića
- sufinansiranje rekonstrukcije i modernizacije objekata saobraćaja u mirovanju
- izrada projektne dokumentacije za izgradnju mosta preko Drine u Ustikolini.

2. Ostali ciljevi

U 2018. godini u resoru privrede će poduzimati aktivnosti u okviru svojih nadležnosti na implementaciji slijedećih ostalih ciljeva u skladu sa Zakonima, strategijama i akcionim planovima:

- Pобољшanje stanja u oblasti prometa i komunikacija, sa akcentom na sanaciju i rekonstrukciju te nabavku opreme za RTV objekte i predajnike u vlasništvu BPK-a, poduzimanje mjera i aktivnosti na prelasku sa analognog na digitalni sistem emitovanja.
- Razvoj i zaštita šuma, sa akcentom na pošumljavanje krša i goleti, sanaciju požarišta, zaštitu od štetnog djelovanja insekata i preventivne mjere sprječavanja požara te zaštita šuma od bespravne sječe.
- Razvoj energetike i rudarstva, izrada analiza o korištenju hidropotencijala, sagledavanje stanja o neiskorištenim prirodnim resursima sa prijedlogom njihovog iskorištavanja te omogućavanje uslova domaćim i inostranim ulagačima da investiraju na područje BPK-a Goražde.

Imajući u vidu navedeno, želimo istaći da su prioritetni ciljevi sadržani u Strategiji razvoja Bosansko-podrinjskog kantona Goražde za period 2016-2020.godina i da će se u 2018.godini, a tako i u narednim godinama provoditi putem navedenih aktivnosti.

SOCIJALNA POLITIKA, ZDRAVSTVO, RASELJENA LICA I IZBJEGLICE

Strateški ciljevi u resorima socijalne politike, zdravstva, raseljenih lica i izbjeglica proizilaze iz Strateškog okvira utvrđenog u kantonu i posebnih sektorskih strategija. Osnovni strateški cilj je definisan kako učiniti BPK Goražde mjestom ugodnog življenja u okviru kojeg se razvilo nekoliko prioritetnih ciljeva i mjera.

Strateški, prioritetni ciljevi i mjere u resorima socijalne politike, zdravstva, raseljenih lica i izbjeglica u 2018. godini su:

1. Osiguranje temeljne socijalne sigurnosti građana i unaprjeđenje sistema socijalne zaštite, zaštite civilnih žrtava rata i zaštite porodice sa djecom.

Strateški cilj u resoru socijalne politike, zdravstva, raseljenih lica i izbjeglica u 2018. godini je osigurati socijalnu sigurnost građana i unaprijediti sistem socijalne zaštite i zaštite porodice sa djecom. Ovaj cilj nastojat će se realizirati kroz dosljednu primjenu Kantonalnog zakona o socijalnoj zaštiti, zaštiti civilnih žrtava rata i zaštiti porodice sa djecom, te implementaciju strateških dokumenata iz oblasti socijalne zaštite i zaštite porodice sa djecom na novou Bosne i Hercegovine, Federacije Bosne i Hercegovine i Bosansko – podrinjskog kantona Goražde.

Na temelju cilja broj 1. proizilaze slijedeće aktivnosti:

- ✓ Provođenje zakona iz oblasti socijalne zaštite, zaštite porodice sa djecom, porodične-pravne zaštite (Implementacija zakonom propisanih obaveza; Rješavanje u drugostepenom upravnom postupku; Izrada informacija, analiza, izvještaja, prikupljanje i obrada podataka; Učešće u izradi zakona, strateških i drugih dokumenata čiji je nosilac izrade Federalno ministarstvo rada i socijalne politike)
 - ✓ Provođenje strateških i drugih dokumenata koji se odnose na oblast socijalne zaštite, zaštite porodice sa djecom i porodično-pravne zaštite (Implementacija Strategije razvoja Bosansko – podrinjskog kantona Goražde 2016 – 2020 i provedba strateškog cilja 2. „Učiniti BPK Goražde mjestom kvalitetnog življenja“;
 - ✓ Unapređenje funkcionisanja ustanova socijalne zaštite od značaja za Bosansko-podrinjski kanton Goražde sa posebnim osvrtom na praćenju stanja u JU „Dom za stara i iznemogla lica Goražde.
2. Uspostavljanje efikasnijeg sistema zaštite, rehabilitacije i socijalne inkluzije osoba sa invaliditetom

Drugi strateški cilj u 2018. godini je osiguranje kontinuiteta u obezbjeđenju posebne zaštite socijalno ranjivih skupina poput djece, osoba sa invaliditetom, te starijih osoba bez porodičnog staranja, kroz pružanje adekvatne podrške i pomoći, kako bi se unaprijedio i podigao ukupan kvalitet života ovih vulnerabilnih kategorija.

Na temelju cilja 2. proizilaze slijedeće aktivnosti i mjere:

- ✓ Zaštita osoba sa invaliditetom i civilnih žrtava rata (Implementacija zakonom propisanih obaveza iz zaštite civilnih žrtava rata; Praćenje implemetacije Akcionog plana u oblasti invalidnosti BPK Goražde 2016 – 2018; Sudjelovanje u izradi revidiranog dokumenta Strategije za izjednačavanje mogućnosti za osobe sa invaliditetom u F BiH 2016 – 2020).
- ✓ Podrška u radu organizacija osoba sa invaliditetom i drugih nevladinih organizacija iz oblasti socijalne i dječije zaštite

3. Reforma zdravstvenog sektora

Primjenjujući važeće zakonske propise iz oblasti zdravstvene zaštite i zdravstvenog osiguranja aktivnosti koje će se poduzimati imaju za cilj realizaciju strateških ciljeva na kantonalnom nivou iz Reformske agende za BiH za period 2008 – 2018. Provođenjem planiranih aktivnosti obezbjedila bi se finansijska stabilnost i održivost u zdravstvenom sektoru na području BPK Goražde, unaprijedio rad i kvalitet usluga u svim zdravstvenim ustanovama, kao i poboljšala dostupnost lijekovima za stanovništvo BPK Goražde, te usklađivanje organizacije rada zdravstvenih ustanova sa važećim propisima iz ove oblasti. U okviru planiranih aktivnosti neophodno je uskladiti organizaciju i rad zdravstvenih ustanova sa važećim zakonskim propisima iz ove oblasti, ojačati ulogu javnozdravstvenog sektora te, u skladu sa raspoloživim finansijskim mogućnostima, obezbijediti neophodnu medicinsku opremu.

Na temelju cilja 3. proizilaze slijedeće aktivnosti:

- ✓ Revizija liste lijekova koji se izdaju na teret sredstava Zavoda zdravstvenog osiguranja BPK Goražde kroz usklađivanje iste sa Listom Federacije BiH i Agencije za lijekove i medicinska sredstva BiH. Informatizacijom sektora zdravstva obezbijediti uvezivanje ZZO BPK Goražde sa zdravstvenim ustanovama na području kantona u cilju praćenja i kontrole propisivanja lijekova sa Liste esencijalnih lijekova.
 - ✓ Standariziranje mreže zdravstvenih ustanova i sačinjavanje kompletnog registra zdravstvenih ustanova na području BPK Goražde
 - ✓ Analiza dugovanja, te jačanje finansijske odgovornosti, kontrole i upravljanje u zdravstvenom sektoru.
 - ✓ Obezbeđenje finansijske održivosti sistema zdravstva kroz povećanje prihoda po osnovu zdravstvenog osiguranja i racionalizaciju troškova u zdravstvenim ustanovama, te racionalizaciju i bolje upravljanje resursima u zdravstvu.
 - ✓ Nabavka neophodne medicinske, dijagnostičke opreme i sanitetskih vozila u skladu sa raspoloživim finansijskim mogućnostima.
 - ✓ Obezbeđivanje neophodnog medicinskog kadra kroz specijalizacije, usavršavanje, angažman ljekara specijalista (spoljni saradnici) za čije usluge postoje pretpostavke medicinske opreme i prostora i dodatne obuke postojećeg medicinskog osoblja u cilju smanjenja troškova liječenja van kantona.
 - ✓ Jačanje zdravstvenog sektora u BPK Goražde kroz uvođenje novih medicinskih disciplina u vidu unaprjeđenja i razvoja informacionog sistema i komunikacionih tehnologija u zdravstvenom sektoru.
4. Podrška procesu održivog povratka na prostoru Gornje-drinske regije i poboljšanje uslova života raseljenih lica koja borave na prostoru Bosansko – podrinjskog kantona Goražde

Četvrti cilj je podrška procesu održivog povratka u cilju lakše reintegracije u društvo. Ovim ciljem dat će se podrška dostizanja održivog povratka na prostoru BPK Goražde i povratnicima koji se vraćaju iz BPK Goražde u susjedne općine RS u okviru kojeg će se nastojati doprinijeti boljim uslovima života povratnika. Preduslov za navedeno je rješavanje problema infrastrukture.

Kroz ovaj cilj obezbijediće se podrška raseljenim licima koji se nalaze na području BPK Goražde u obezbjeđivanju uslova za njihov povratak u prijeratna mjesta življenja ili aktivna

podrška u zatvaranju alternativnih i kolektivnih centara izgradnjom novih stambenih jedinica kroz program socijalnog stanovanja.

Na temelju cilja 4. proizilaze slijedeće aktivnosti i mjere:

- ✓ Podrška održivom povratku koji podrazumijeva podršku razvoju poljoprivrede, nepoljoprivrednom porodičnom biznisu, razvoju turističkih kapaciteta, oporavku infrastrukture, rekonstrukciji stambenog fonda, vjerskih i sakralnih objekata. Također poduzeti će se mjere na pronalasku mogućnosti nabavke putem kreditnih sredstava.
- ✓ Poboljšanje stambenih i socioekonomskih uslova povratnika i raseljenih osoba u alternativnim i kolektivnim smještajima. Ovaj operativni cilj podrazumijeva podršku rješavanju stambenog pitanja povratnicima, zatvaranje alternativnih i kolektivnih smještaja kroz projekte izgradnje novih stambenih jedinica u okviru programa socijalnog stanovanja i nabavku, prevoz i raspodjelu roba humanitarnog porijekla.
- ✓ Obezbeđivanje zdravstvene zaštite za raseljene osobe i povratnike u BPK Goražde, djeci predškolskog uzrasta i starijim licima preko 65 godina života, kao i povratnicima iz BPK Goražde u susjedne općine RS, a koji to pravo nisu ostvarili ni po kom osnovu.
- ✓ Uspostavljanje sistema prihvata osoba deportovanih iz inostranstva po Sporazumu o Readmisiji.

BORAČKA PITANJA

Strateški cilj u resoru boračkih pitanja u 2018. godini jeste unapređenje statusa pripadnika boračkih populacija i zaštita tekovina njihove borbe za očuvanje Bosne i Hercegovine.

U skladu sa strateškim ciljem, definisani su slijedeći prioritetni ciljevi za 2018. godinu:

- efikasnija implementacija dopunskih prava branilaca i članova njihovih porodica
- aktivna uloga u obilježavanju značajnih događaja i datuma

Efikasnija implementacija dopunskih prava

Bosansko-podrinjski kanton Goražde ne može uticati na obim i način isplate prava priznatih federalnim zakonima, ali može uticati na ona priznata Zakonom o dopunskim pravima branilaca i članova njihovih porodica u Bosansko – podrinjskom kantonu Goražde. Očekivani rezultati koji se planiraju postići implementacijom ovog prioritetnog cilja su bolja usmjerenost budžetskih sredstava namijenjenih implementaciji dopunskih prava ka najugroženijim pripadnicima boračkih populacija. Na ovaj način, uz ista budžetska sredstva, postići će se veći efekti. Poseban značaj će se dati podršci radu fondacije „Istina za Goražde“.

U okviru ovog cilja, posebna pažnja će se posvetiti rješavanju pitanja od egzistencijalnog značaja za pripadnike boračkih populacija kao što su zapošljavanje i stambeno zbrinjavanje.

Aktivna uloga u obilježavanju značajnih događaja i datuma

U prethodnom periodu, na prijedlog Vlade Bosansko - podrinjskog kantona Goražde odnosno Ministarstva za boračka pitanja, Skupština Bosansko - podrinjskog kantona Goražde donijela novu Odluku o utvrđivanju „Kalendara obilježavanja značajnih događaja, datuma i ličnosti u Bosansko-podrinjskom kantonu Goražde“ kojom su preciznije definisani događaji,

datumi i ličnosti iz bliske prošlosti koji zaslužuju da se ne zaborave, čime su se stvorile pretpostavke Ministarstvu za boračka pitanja za njihovo dostojanstveno obilježavanje i očuvanje tekovina borbe za Bosnu i Hercegovinu.

U cilju adekvatnog sređivanja, čuvanja i obilježavanja historijskih činjenica i događaja nastaviti će se aktivnosti na izradi monografije Goražde-grad heroj, kao i drugim projektima kao što je izrada projektne dokumentacije spomenika braniocima Goražda, izgradnju spomen-obilježja komandantu Zaimu Imamoviću te regulisanju pravnog statusa objekta „Rorovi“ i „Most ispod mosta“.

Obilježavanje značajnih događaja i datuma je kontinuirana obaveza Ministarstva koja će se sprovesti uz saradnju sa udruženjima boračkih populacija sa prostora Bosansko - podrinjskog kantona Goražde a u skladu sa Kalendarom usvojenim od strane Skupštine Bosansko-podrinjskog kantona, sa tendencijom ukрупnjavanja obilježavanja događaja i datuma. Ostali ciljevi u skladu s nadležnostima

Tokom 2018. godine provodit će se aktivnosti u okviru svojih nadležnosti na implementaciji slijedećih ostalih ciljeva u skladu sa zakonima, strategijama i akcionim planovima:

- Praćenje stanja u oblasti boračko-invalidske zaštite i poduzimanje odgovarajućih mjera;
- Osiguranje neometanog funkcionisanja Integralnog Informacionog Sistema boračko-invalidske zaštite uspostavljenim na nivou Federacije Bosne i Hercegovine;
- Ažuriranje baza podataka korisnika dopunskih prava;
- Saradnja sa lokalnim zajednicama na realizaciji projekata iz oblasti boračko-invalidske zaštite;
- Pružanje pomoći porodicama pripadnika boračkih populacija osumnjičenih za ratne zločine;
- Efikasan rad udruženja boračkih populacija;
- Neometano održavanje sportskih manifestacija invalida.

OBRAZOVANJE, NAUKA, KULTURA I SPORT

Strateški ciljevi u resorima obrazovanja, mladih, nauke, kulture i sporta za 2018. godinu proizilaze iz nastavka kontinuiranih aktivnosti definisanih u zakonskom okviru predškolskog, osnovnog, srednjeg, visokog obrazovanja, mladih, sporta, nauke i kulture, a odnose se na slijedeće:

1. Unaprjeđenje obrazovanja na području Bosansko - podrinjskog kantona Goražde kroz razvoj četiri nivoa obrazovanja

Realizacija ovog strateškog cilja zasniva se na specifičnim ciljevima za 2018.godinu i to:

Razvoj predškolskog odgoja i obrazovanja

Predškolski odgoj i obrazovanje je sastavni dio jedinstvenog odgojno obrazovnog sistema u Bosni i Hercegovini. On je prvi poseban i specifičan stepen odgojno obrazovnog

sistema koji se bavi odgojem djece predškolske dobi uzrasta od 6 mjeseci do polaska u osnovnu školu. Predškolski odgoj i obrazovanje određuju pojmovi odgoj, obrazovanje, njega i zaštita. Aktivnosti koje će se realizovati u 2018. godini po ovom strateškom cilju su:

- ✓ Stvaranje uslova za nastavak realizacije obaveznog programa za djecu pred polazak u osnovnu školu, kao aktivnosti koja je u dosadašnjem periodu realizovana u 100% obimu.
- ✓ Stvaranje što boljih uslova u predškolskim ustanovama kako bi se boravak djece učinio što ugodnijim.
- ✓ Omogućavanje besplatnih ljekarskih pregleda za svu djecu koja pohađaju obavezni program pred polazak u osnovnu školu.

Razvoj osnovnog odgoja i obrazovanja

Svrha osnovnog odgoja i obrazovanja je da kroz optimalni intelektualni, fizički, moralni i društveni razvoj pojedinca a u skladu sa njegovim mogućnostima i sposobnostima, doprinese stvaranju društva zasnovanog na vladavini zakona i poštivanju ljudskih prava, te doprinese njegovom ekonomskom razvoju koji će osigurati najbolji životni standard za sve građane. Aktivnosti koje će se realizovati u 2018. godini po ovom strateškom cilju su:

- ✓ Stvaranje što boljih uslova za realizaciju odgojno obrazovnog rada u svim osnovnim školama na području Bosansko – podrinjskog kantona Goražde, a koje se ogleda u slijedećem:
- ✓ Opremanje školskih prostora, te nabavku opreme i učila, a sve u cilju stvaranja što boljih uslova za odvijanje nastavnog procesa,
- ✓ Nabavka besplatnih udžbenika za što veći broj djece,
- ✓ Nastojanje da se za što veći broj djece koja stanuju na udaljenosti većoj od 4 km obezbjedi prevoz do škole,
- ✓ Kontinuirana edukacija nastavnog osoblja, kroz održavanje seminara, okruglih stolova itd.
- ✓ Organizovanje takmičenja za učenike iz slijedećih predmeta: engleskog/ njemačkog jezika, informatike, matematike, vjeronauke, fizike, demokratije i biciklizma,
- ✓ Provođenje aktivnosti na obezbjeđivanju uslova za nastavak realizacije projekta škole u prirodi.

Razvoj Srednjeg obrazovanja i odgoja

Srednje obrazovanje i odgoj je djelatnost od posebnog društvenog interesa. Svrha srednjeg obrazovanja je da kroz intelektualni, fizički, moralni i društveni razvoj pojedinca, u skladu sa njegovim mogućnostima i sposobnostima, doprinese stvaranju društva zasnovanog na vladavini zakona i poštivanju ljudskih prava, te doprinese njegovom društveno - ekonomskom razvoju koji će doprinijeti unaprjeđenju životnog standarada građana. Aktivnosti koje će se realizovati u 2018. godini po ovom strateškom cilju su:

- ✓ Stvaranje što boljih uslova za realizaciju odgojno obrazovnog rada u svim srednjim školama na području Bosansko – podrinjskog kantona Goražde, a koje se ogleda u slijedećem:
- ✓ Opremanje školskih prostora, te nabavku opreme i učila, a sve u cilju stvaranja što boljih uslova za odvijanje nastavnog procesa,

- ✓ Nastojanje da se za što veći broj djece koja stanuju na udaljenosti većoj od 4 km obezbjedi sufinansiranje prevoza do škole,
- ✓ Kontinuirana edukacija nastavnog osoblja, kroz održavanje seminara, okruglih stolova itd,
- ✓ Organizovanje takmičenja za učenike iz slijedećih predmeta:matematike, vjeronauke, fizike, demokratije,
- ✓ Nastaviti provođenje politike upisa učenika u srednje škole u skladu sa iskazanim potrebama tržišta rada.
- ✓ Pravno urediti provođenje praktične nastave u stručnim školama
- ✓ Provođenje aktivnosti koje su definisane Zakonom o obrazovanju odraslih na području Bosansko – podrinjskog kantona Goražde, a koji ima za cilj poboljšati obrazovne i kvalifikacione strukture i unapređenje mogućnosti zapošljavanja stanovništva, omogućiti sticanje najmanje osnovnog obrazovanja, podizati osnovnu i funkcionalnu pismenost odraslih,osposobljavati za zapošljavanje odraslih lica koja nemaju završeno formalno obrazovanje i sticanje kvalifikacija za prvo zanimanje, omogućavati dalje obrazovanje i obuku, odnosno mogućnost dokvalifikacije, prekvalifikacije i kontinuiranog stručnog usavršavanja tokom cijelog radnog i životnog vijeka, omogućavati obrazovanje i sticanje znanja, vještina i kompetencija u skladu sa ličnim sposobnostima, afinitetima i životnom dobi pojedinca,omogućavati formalno/javno priznavanje i potvrđivanje rezultata prethodnog učenja odnosno stečenih znanja, vještina i kompetencija, bez obzira na način njihovog sticanja, stvarati osnove za održivi društveno-ekonomski razvoj na lokalnom, kantonalnom, entitetskom i državnom nivou,povećati profesionalnu mobilnost i fleksibilnost radno aktivnog stanovništva, smanjiti siromaštvo, ostvariti jednakosti, socijalnu uključenost i međugeneracijske solidarnost, unaprijediti kvalitet života – ličnog, porodičnog, prirodnog i socijalnog okruženja,razvijati demokratiju, interkulturalnost i toleranciju, omogućiti integraciju u evropski društveni i ekonomski prostor uvažavajući evropske obrazovne okvire.

Razvoj visokog obrazovanja

Djelatnost visokog obrazovanja je od posebnog društvenog interesa za Bosansko – podrinjskog kantona Goražde i dio je međunarodnog, a posebno evropskog obrazovnog, naučnog odnosno umjetničkog prostora. Aktivnosti koje će se realizovati u 2018. godini po ovom strateškom cilju su:

- ✓ Adekvatno normativno uređenje visokog obrazovanja, a koje se prvenstveno odnosi na donošenje podzakonskih akata sa posebnim akcentom na standarde i normative te pravilnik o akreditaciji visokoškolskih ustanova,
- ✓ Nastaviti kontinuitet visokog obrazovanja na području Bosansko – podrinjskog kantona Goražde, u skladu sa iskazanim potrebama tržišta rada, a prvenstveno nastaviti saradnju sa Mašinskim fakultetom.
- ✓ U cilju realizacije iskazanih potreba tržišta rada nastaviti pružati podršku studentima kroz dodjelu studentskih kredita u skladu sa Kriterijima donešenim od strane Vlade Bosansko – podrinjskog kantona Goražde.

2. Unaprijeđenje nauke i kulture

Pod pojmom naučno-istraživačke djelatnosti, podrazumijeva se sistematski stvaralački rad na usvajanju novih znanja, s ciljem podizanja općeg civilizacijskog nivoa društva i korištenja

tih znanja u svim oblastima društvenog i privrednog razvoja, uključujući i razvoj tehnologije i njihovu primjenu.

Pod kulturnom djelatnošću, podrazumijevaju se svi oblici stvaralaštva, prenošenja i očuvanja kulturnih vrijednosti u oblasti književne, muzičke, plesne, pozorišne, likovne, filmske i video djelatnosti, očuvanja kulturnog i prirodnog naslijeđa, arhivske, muzejske, izložbene i bibliotečke djelatnosti, kao i izdavaštva, kinematografije i radija i televizije. Kada je riječ on tehničkoj kulturi osnovni ciljevi u oblasti tehničke kulture su: razvitak i afirmacija tehničke kulture, podsticanje na stvaralački naučni rad, tehnički odgoj i obrazovanje, unaprjeđenje inovatorstva, širenje naučnih i tehničkih dostignuća, afirmiranje tehničkih sportova i naučno i tehničko osposobljavanje građana. Aktivnosti koje će se realizovati u 2018. godini po ovom strateškom cilju su:

- ✓ Adekvatno normativno uređenje a koje se ogleda u donošenju Zakona o kulturnom dobru na području BPK Goražde, Zakona o zaštiti kulturnog historijskog naslijeđa BPK Goražde i Zakona o izmjenama i dopunama Zakona o kulturi
- ✓ Promocija kulture te selekcija kulturnih dešavanja kroz realizaciju Kalendara i sufinansiranje važnih kulturnih dešavanja na području Bosansko - podrinjskog kantona Gorazde u većem novčanom iznosu u odnosu na prethodne godine.
- ✓ Uspostavljenih partnerskih odnosa sa institucijama u oblasti kulture, tehničke kulture i informisanja, te ovim institucijama osigurati podršku kroz finansiranje i sufinansiranje projekata.
- ✓ Provođenje aktivnosti od strane savjeta za kulturu Bosansko – podrinjskog kantona Goražde kao savjetodavnog tijela Vlade Bosansko – podrinjskog kantona Goražde.

3. Unaprjeđenje sporta

Sport je djelatnost od javnog interesa u Bosansko - podrinjskom kantonu Goražde i općinama u njegovom sastavu. Javni interesi i ciljevi Bosansko - podrinjskom kantonu Goražde i općina u njegovom sastavu sportu su: razvijanje svijesti građana, posebno mladih i lica sa invaliditetom o sportu i njegovim vrijednostima, doprinos vaspitanju, obrazovanju i razvoju djece i omladine, podsticanje i afirmiranje sporta i njegovih vrijednosti kao dijela kulture i ukupnih, materijalnih i duhovnih vrijednosti društva, očuvanje zdravlja kao osnove svake ljudske aktivnosti, radne produktivnosti, izražavanja stvaralaštva i humanog življenja, podsticanje sistematskog i organiziranog bavljenja sportom u slobodno vrijeme, sistemsko stvaranje uslova za ostvarivanje vrhunskih sportskih rezultata, organizacija sistema takmičenja u skladu sa pravilima međunarodnih sportskih federacija, sport za lica sa invaliditetom, školski i studentski sport. Aktivnosti koje će se realizovati u 2018. godini po ovom strateškom cilju su:

- ✓ Razvoj sporta u skladu sa četverogodišnjom Strategijom razvoja sporta u Bosansko – podrinjskom kantonu Gorazde i Programom razvoja sporta Bosansko – podrinjskog kantona Goražde za 2018 godinu.
- ✓ Podrška, podsticanje i promovisanje takmičarskog sporta kroz podršku redovnih i dodatnih programa registrovanih sportskih klubova te podrška programima korištenje sportskih objekata.
- ✓ Podrška, podsticanje i promovisanje školskog sporta kroz podršku redovnih programa Aktiva nastavnika tjelesnog i zdravstvenog odgoja Bosansko - podrinjskom kantonu Gorazde.

- ✓ Podrška, podsticanje i promovisanje sporta lica sa invaliditetom kroz podršku redovnih programa Sportskog saveza za sport i rekreaciju invalida u sklopu kojeg djeluju sportski klubovi lica sa invaliditetom.
- ✓ Podrška, podsticanje i promovisanje rekreativnog sporta kroz podršku redovnih programa i dodatnih programa sportskih klubova – udruženja sportske rekreacije.
- ✓ Podrška adaptaciji, sanaciji i rekonstrukciji sportskih objekata na području Bosansko – podrinjskog kantona Gorazde u cilju njihove modernizacije i iskoristivosti.
- ✓ Unaprijeđenje aktivnosti na sprečavanju nasilja i nedoličnog ponašanja na sportskim priredbama.

4. Unaprijeđenje mladih

Zakonom o mladima Federacije Bosne i Hercegovine definisano je da se mladim osobama smatraju lica od petnaest do trideset godina starosti, dok su prema definiciji Ujedinjenih nacija mladi osobe između petnaest i dvadeset i četiri godine. S tim u vezi, Bosansko - podrinjski kanton Gorazde ima obavezu samostalnog osiguranja minimum mjera na planu rada samladima i omladinskih aktivnosti. Aktivnosti koje će se realizovati u 2018. godini po ovom strateškom cilju su:

- ✓ Provođenje obaveza utvrđenih Zakonom o mladima u Federaciji Bosne i Hercegovine, te realizaciju aktivnosti u skladu sa Programom utroška sredstava Tekući transferi pojedincima – za mlade i Tekući transferi neprofitnim organizacijama – za mlade
- ✓ Jačanje kapaciteta mladih ljudi i omladinskih udruženja kroz podršku njihovih projektnih aktivnosti
- ✓ Nastavak saradnje sa omladinskim udruženjima i nevladinim organizacijama s ciljem aktivizma mladih.

5. Unaprijeđenje provođenja aktivnosti u oblasti bezbjednost saobraćaja

U oblasti bezbjednosti saobraćaja na putevima u Bosni i Hercegovini u 2018. godinu će se nastaviti raditi na obezbjeđivanju uslova za što kvalitetnije provođenje ispita za vozače motornih vozila, ispita za dobijanje licence, kao i ispita za dobijanje dozvole vozač- instruktor motornih vozila, te izvršiti provjeru ispunjavanja uslova za rad auto škola. Također, radit će se na permanentnoj edukaciji svih aktera koji učestvuju u obavljanju poslova propisanih zakonom o osnovama bezbjednosti saobraćaja na putevima u Bosni i Hercegovini, a koji su stavljeni u nadležnost ovog ministarstva.

PRAVOSUĐE, UPRAVA I RADNI ODNOSI

Strateški ciljevi u resorima pravosuđa, uprave i radnih odnosa proizilaze iz strateškog okvira koji sačinjavaju Strategija reforme javne uprave u BiH, Strategija za sektor pravde za period 2014-2018. godina, Reformske agende za Bosnu i Hercegovinu za period 2015 – 2018. godina, Akcionog plana Federacije Bosne i Hercegovine za realizaciju Reformske agende za BiH za period 2015 -2018. godina, Akcionog plana za borbu protiv korupcije za period 2016-2020. godina, Akcionog plana za realizaciju mjera iz Analize stanja uprave Bosansko – podrinjskog kantona Goražde za period 2016.-2018. godina i Strategije razvoja Bosansko – podrinjskog kantona Goražde za period 2016.-2020. godina. Iz pomenutog strateškog okvira proizilaze slijedeći strateški ciljevi ministarstva:

Strateški ciljevi

1. Poboljšanje efikasnosti i transparentnosti iz oblasti pravosuđa

Sažetak prioriteta u okviru ovog strateškog cilja odnosi se na kontinuirano poduzimanje aktivnosti na osiguranju uslova za kvalitetno funkcionisanje i izgradnju pravosudnih institucija Bosansko-podrinjskog kantona Goražde i očuvanje njihovih temeljnih vrijednosti. Kontinuirano će se poduzimati aktivnosti na obezbjeđenju materijalnih sredstava za rad pravosudnih institucija, u cilju jačanja nezavisnosti, samostalnosti i efikasnosti.

Nastavit će se aktivnosti koje se na nivou institucija Bosne i Hercegovine realizuju u okviru Strategije za sektor pravde za period 2014-2018. godina

Takođe će se pratiti nadzor sistema izvršenja krivičnih sankcija u cilju osiguranja napretka u sistemu izvršenja krivičnih sankcija u Federaciji BiH i njegovo usklađivanje sa Evropskim obavezama i standardima, gdje će se povećati aktivnosti na provođenju alternativnog izvršenja krivičnih sankcija putem rada u zajednici, odnosno rada za opće dobro na slobodi zašto su u predhodnom periodu stvoreni svi preduslovi i obezbjeđena kompletne infrastrukture za izvršenje pomenute sankcije.

2. Poboljšanje efikasnosti, ekonomičnosti i transparentnosti iz oblasti javne uprave

Aktivnosti u ovom strateškom cilju sastoje se od normativnih poslova i drugih poslova u okviru oblasti uprave, kao i inspekcijiskog nadzora. Zadaci će biti usmjereni na unapređenje sistema javne uprave radi osiguranja i zaštite javnog interesa, zakonitog djelovanja i pružanja usluga u ostarivanju prava građana i privrednih subjekata, jer je zajednički cilj izgradnja moderne i prema građanima usmjerene javne uprave.

Takođe, poduzimat će se kontinuirane aktivnosti vezane za sprovedbu Akcionog plana za reformu javne uprave na sektorskom nivou i unutar Bosansko-podrinjskog kantona kao i aktivnosti i mjere putem kojih će se nastojati unaprijediti zaštita zakonitosti u Bosansko-podrinjskom kantonu Goražde, kao i aktivnosti vezane za sprovedbu Akcionog plana za realizaciju mjera iz Analize stanja uprave u Bosansko – podrinjskom kantonu Goražde 2016-2018, Akcionog plana Vlade Bosansko – podrinjskog kantona Goražde za borbu protiv korupcije 2016.-2020 i Strategije razvoja Bosansko – podrinjskog kantona Goražde za period 2016. - 2020.

Pored naprijed navedenih aktivnosti poseban akcenat će se staviti na aktivnostima vezanih za Reformsku agendu za Bosnu i Hercegovinu za period 2015.- 2018. godina i Akcionog plana Federacije Bosne i Hercegovine za realizaciju pomenute reformske agende, poštujući mehanizam koordinacije sa višim nivoima vlasti.

UNUTRAŠNJI POSLOVI

Strateški ciljevi u resorima unutrašnjih poslova i policijskih poslova usklađeni su i proizilaze iz razvojnih odnosno strateških dokumenta na nivou BiH, FBiH i Bosansko-podrinjskog kantona Goražde (u daljem tekstu: Kantona), a posebno sa Strategijom razvoja Bosansko-podrinjskog kantona Goražde za 2016-2020.godinu.

Strateški ciljevi su:

1. Povećati stepen pravne i stvarne sigurnosti građana, zaštite i poštivanja ljudskih prava, sloboda i dostojanstva svih građana , u dijelu za koji je nadležno Ministarstvo i Uprava policije.

Realizacija ovog strateškog cilja zasniva se na specifičnom cilju za 2018.godinu i to:

1.1.Veći stepen zakonitosti , efikasnosti i etičnosti u postupanju uposlenih, a posebno policijskih službenika pri primjeni policijskih ovlaštenja,koji će se realizovati kroz :

1.1.1. Edukaciju državnih službenika i namještenika koji rade na poslovima izdavanja ličnih dokumenta i saobraćajnih isprava u skladu sa Planom edukacije državnih službenika i namještenika, te edukaciju policijskih službenika u oblasti primjene policijskih ovlaštenja u skladu sa Planom edukacije policijskih službenika, uz istovremeno osiguranje uslova da svi uposleni u Ministarstvu i Upravi policije pohađaju edukacije koje su organizovane od drugih subjekata, a koje mogu doprinijeti postizanju veće zakonitosti i profesionalnosti u obavljanju poslova koji su u neposrednoj vezi sa ovim ciljem.

1.1.2.Unutrašnje inspekcije, revizije i kontrole rada policijskih službenika u skladu sa Planom unutrašnje kontrole koji provodi Jedinica za profesionalne standarde i edukaciju, te praćenja zakonitosti postupanja policijskih službenika i nadzor nad radom organizacione jedinice koja vrši poslove izdavanja ličnih dokumenata , saobraćajnih isprava , prijave i odjave prebivališta i određivanja jedinstvenog matičnog broja za građane u skladu sa Planom nadzora nad radom ove organizacione jedinice.

1.1.3. Intezivniju saradnju policijskih službenika sa građanima putem policijskih službenika za rad policije u zajednici kroz projekat "Rad policije u zajednici".

2. Unapređenje borbe protiv svih oblika kriminala, a posebno u oblasti korupcije, terorizma, zloupotrebe opojnih droga, trgovine ljudima, maloljetničke delikvencije, krađe, sa akcentom na krađu motornih vozila, te krivičnih djela protiv čovječnosti i međunarodnog prava.

Realizacija ovog strateškog cilja zasniva se na specifičnim ciljevima za 2018.godinu to:

2.1. Poboljšanje rezultata rada i efikasnosti policijskih službenika u borbi protiv svih oblika krivičnih djela, a naročito korupcije, zloupotrebe opojnih droga od strane mladih, terorizma, trgovine ljudima, krađe motornih vozila, koji će se realizovati kroz slijedeće aktivnosti:

2.1.1. Unaprijediti aktivnosti na suzbijanju kriminala i stepena

otkrivenosti počilaca krivičnih djela kroz uvođenje video nadzora na ključnim mjestima u Gradu i Općinama na području Kantona i programe edukacije najmlađih populacija u pogledu izbjegavanja rizičnih ponašanja, zloupotrebe droga, nasilja, upotrebe oružja i dr. , što će doprinijeti da se osigura sigurno okruženje u BPK-a i smanji broj narušavanja JRM naročito u ugostiteljskim objektima i mjestima sportskih takmičenja.

2.1.2. Provođenje aktivnosti planiranih za 2018. godinu Akcionim planom za provođenje Strategije za borbu protiv korupcije za 2016.-2020. godina, Planom integriteta Ministarstva za unutrašnje poslove Bosansko-podrinjskog kantona Goražde i Uprave policije i saradnju sa finansijskom policijom, nadležnim inspekcijskim organima i drugim policijskim organima na svim nivoima vlasti u BiH.

2.1.3. Edukacija mladih u vezi sa sprječavanjem zloupotrebe opojnih droga od strane mladih kroz provođenje projekta "Život bez droge", kojim će biti obuhvaćena sva djeca iz osnovnih i srednjih škola sa područja Kantona, te provođenje i učešće u drugim javnim kampanjama koje imaju za cilj sprječavanje zloupotrebe opojnih droga.

2.1.4. Provođenje aktivnosti planiranih za 2018. godinu Akcionim planom Federalne Uprave policije u borbi protiv terorizma, Akcionim planom Uprave policije i Memorandumom o saradnji u borbi protiv terorizma potpisanog sa Federalnom upravom policije.

2.1.5. Provođenje aktivnosti iz nadležnosti Uprave policije predviđenih za 2018. godinu Akcionim planom suprotstavljanja trgovini ljudima u BiH za 2016.-2019. godina.

2.1.6. Formiranje operativnih timova za rad na sprječavanju i otkrivanju krivičnih djela krađe motornih vozila, sačinjavanja posebnih planova rada i analiza stanja u ovoj oblasti uz uključivanje policijskih službenika Jedinice za podršku i policijskih službenika koji rade na poslovima kontrole saobraćaja.

2.1.7. Proaktivno djelovanje policijskih službenika, sačinjavanje analitičkih izvještaja iz oblasti svih vrsta krivičnih djela i pojačan operativni rad policijskih službenika u skladu sa operativnim planovima iz oblasti svih vrsta krivičnih djela, uključujući i nelegalnu prodaju akciznih roba i obavještanje nadležnih organa u vezi sa tim.

2.1.8. Saradnju sa nadležnim tužilaštvima, sudovima i drugim policijskim organima.

2.1.9. Materijalno-tehničko opremanje Sektora kriminalističke policije, odnosno policijskih službenika u Sektoru kriminalističke policije.

2.1.10. Edukacija policijskih službenika u oblasti otkrivanja i prevencije svih oblika krivičnih djela u skladu sa Planom edukacije policijskih službenika i učešćem policijskih službenika u edukacijama organizovanim od strane drugih organizacija.

2.2. Doprinos procesuiranju predmeta ratnih zločina, koji će se realizovati kroz:

2.2.1. Prikupljanja kriminalističko-obavještajnih informacija o počinjenim krivičnim djelima ratnog zločina na području Kantona i šire i dostavljanje nadležnom tužilaštvu.

2.3. Implementacija Zakona o zaštiti i postupanju sa djecom i maloljetnicima u krivičnom postupku FBiH, što će se realizovati kroz:

2.3.1. Provođenje edukativnih programa za mlade u osnovnim i srednjim školama na području Kantona koja će obuhvatiti i nastavno osoblje (profesore, pedagoge i psihologe) u saradnji sa odgojno obrazovnim institucijama.

2.3.2. Edukacija policijskih službenika u vezi sa Zakonom o zaštiti i postupanju sa djecom i maloljetnicima u krivičnom postupku FBiH.

2.3.3. Edukacija policijskih službenika u vezi sa izricanjem mjere policijsko upozorenje.

2.3.4. Provođenje edukativnih programa u vezi sa problemima "Vršnjačkog nasilja" u saradnji sa osnovnim i srednjim školama na području Kantona.

3. Povećanje sigurnosti saobraćaja na cestama.

Realizacija ovog strateškog cilja zasniva se na specifičnim ciljevima za 2018. godinu i to:

3.1. Veći stepen poštivanja saobraćajnih propisa od strane učesnika u saobraćaju sa akcentom na smanjenje broja povrijeđenih i poginulih osoba u saobraćajnim nesrećama, koji će se realizovati kroz:

3.1.1. Povećati sigurnost saobraćaja na cestama kroz uvođenje video nadzora na ključnim mjestima u Gradu i Općinama na području Kantona, proširenje radarskog sistema na saobraćajnicama i unapređenje sistema kontrole i regulisanja saobraćaja sa ciljem da se smanji broj saobraćajnih nezgoda i njihovih posljedica (smrtno stradalih, teže i lakše povrijeđenih lica).

3.1.2. Pojačan nadzor nad svim učesnicima u saobraćaju, na mjestima na kojima je zabilježeno učestalo kršenje saobraćajnih propisa u skladu sa planovima rada pojačanog nadzora.

3.1.3. Učešće i provođenje edukacija djece u svim osnovnim školama na području Bosansko-podrinjskog kantona Goržde u saradnji sa odgojno obrazovnim institucijama.

3.1.4. Proširenje sistema uređaja za kontrolu brzine kretanja motornih vozila putem mobilnog radarskog sistema na području Kantona.

3.2. Doprinijeti zaštiti cesta od daljnjeg propadanja i većoj zaštiti učesnika saobraćaja, koji će se realizovati putem :

3.2.1. Iniciranje pojačanih kontrola teretnih vozila na kojima teret prelazi propisanu težinu ili nije dovoljno osiguran u skladu sa planovima pojačanog nadzora, sa JP Ceste Federacije BiH i Kantonalnom Direkcijom cesta.

3.2.2. Dostavljanje inicijativa za otklanjanje uočenih nedostataka na cestama nadležnim organima.

3.3. Povećanje stepena efikasnosti stručnosti policijskih službenika, koji će se realizovati putem:

3.3.1. Edukacija policijskih službenika u oblasti kontrole saobraćaja u skladu sa Planom edukacije policijskih službenika, sa posebnim akcentom na edukaciju u vezi sa vršenjem aktivnosti na prevenciji saobraćajnih prekršaja, odnosno saobraćajnih nesreća.

3.3.2. Materijalno-tehničko opremanje policijskih službenika i organizacionih jedinica nadležnih za obavljanje poslova kontrole i regulisanja saobraćaja.

4. Poboljšanje stanja u oblasti javnog reda i mira, nabavljanja i držanja oružja i municije.

Realizacija ovog strateškog cilja zasniva se na specifičnim ciljevima za 2018. godinu i to:

4.1. Poboljšanje rezultata rada u oblasti javnog reda i mira, koji će se realizovati kroz aktivnosti:

4.1.1. Planiranje i realizacija mjera i aktivnosti u vezi sa vanrednim i posebnim osiguranjem ličnosti i objekata u skladu sa sigurnosnim procjenama i Planom osiguranja ličnosti i objekata, kao i učešće u planiranju i realizaciji mjera i aktivnosti u osiguranju javnih skupova, naročito u vrijeme održavanja festivala.

4.1.2. Praćenje stanja u oblasti nasilja u porodici i saradnja sa Centrom za socijalni rad.

4.1.3. Sprječavanje prosjačenja u skladu sa posebnim planom o suzbijanju prosjačenja i saradnjom sa nadležnim institucijama.

4.1.4. Dokumentovanje slučajeva korištenja javne površine bez odobrenja nadležnog organa i slučajeva nelegalne prodaje i obavljanje nadležnih organa.

4.2. Smanjenje broja nelegalnog držanja i nošenja oružja i municije, koji će se realizovati putem:

4.2.1. Implementacije Zakona o nabavljanju, držanju i nošenju oružja i municije, što podrazumjeva prije svega preventivni, ali i represivni rad policijskih službenika na terenu.

4.2.2. Provođenje javnih kampanja u kojima bi se građanstvo upoznalo sa opasnostima nelagalnog posjedovanja oružja.

4.3. Materijalno tehničko opremanje policijskih službenika i organizacionih jedinica nadležnih za javni red i mir , koji će se realizovati putem:

4.3.1. Nabavke opreme za policijske službenike u PU Goražde.

4.3.2. Nabavke materijalno- tehničkih sredstava za potrebe PU Goražde.

5. Unapređenje pravnog okvira rada Ministarstva i Uprave policije policije koji će se u 2018. godini realizovati kroz donošenje odgovarajućih propisa.

6. Osigurati pravilno planiranje i trošenje budžetskih sredstava u Ministarstvu i Upravi policije, te pravilno izvršavanje propisa iz oblasti zaštite od požara, matičnih knjiga i agencija za zaštitu ljudi imovine od strane pravnih lica i organa koji ih primjenjuju.

Realizacija ovog strateškog cilja zasniva se na specifičnim ciljevima za 2018. godinu i to:

6.1. Realno planiranje budžeta Ministarstva i Uprave policije policije, koji će se realizovati kroz slijedeće aktivnosti:

6.1.1. Analiza i utvrđivanje finansijskih potreba Ministarstva i Uprave policije .

6.1.2. Sačinjavanje nacrta budžeta Ministarstva i Uprave policije u skladu sa potrebama i uputstvima Ministarstva za finansije.

6.1.3. Sačinjavanje mjesečnih operativnih planova i praćenje izvršenja budžeta.

6.2. Veći stepen discipline u izvršavanju obaveza propisanih propisima iz oblasti zaštite od požara, matičnih knjiga i agencija za zaštitu ljudi imovine od strane pravnih lica i organa koji primjenjuju ove propise, što će se realizovati kroz:

6.2.1. inspekcijski nadzor u navedenim oblastima u skladu sa nadležnostima Ministarstva.

6.2.2. Edukaciju inspektora.

6.2.3. Edukacije matičara i drugih službenih lica koja rade na poslovima vođenja matičnih knjiga.

URBANIZAM, PROSTORNO UREĐENJE I ZAŠTITA OKOLIŠA

1. Uspostava jedinstvenog prostornog informacionog sistema

Jedinstveni prostorni informacioni sistem se uspostavlja i održava s ciljem prikupljanja, racionalnog korištenja i obrade podataka od značaja za planiranje, uređenje, korištenje i zaštitu prostora. Osnova i obaveza razvoja informacionog sistema (GIS-a - geografski informacioni sistem), u oblasti prostornog uređenja i planiranja u Bosansko-podrinjskom kantonu Goražde proizilaze iz Zakona o prostornom uređenju i građenju BPK Goražde ("Službene novine BPK Goražde" broj: 7/13 i 16/13) i federalne „Uredbe o sadržaju i nosiocima jedinstvenog informacionog sistema, metodologija prikupljanja i obrade podataka, te jedinstveni obrasci na kojima se vode evidencije“ („Službene novine FBiH“ broj: 33/07 i 84/10). Da bi ise ispunile obaveze iz pomenute Uredbe, potrebno je razvijati jedinstveni informacioni sistem centralne baze podataka o prostoru na području BPK Goražde, uspostaviti koordiniranu saradnju svih nivoa vlasti (općinski, kantonalni, federalni) po pitanju transparentnog rada i razmjene georeferenciranih prostornih podataka u cilju donošenja kvalitetnih GIS rješenja iz pojedinih oblasti rada.

Ciljevi uspostave jedinstvenog prostornog informacionog sistema su:

- interaktivna razmjena informacija, efikasnije pretraživanje i analiza baza podataka,
- povećanje produktivnosti i efikasnosti u procesu prostornog planiranja uz smanjenje troškova koordinacije i komunikacije među sektorskim subjektima,
- unapređenje opšteg kvaliteta procesa planiranja i uređenja prostora,
- povećanje mogućnosti analize, te monitoringa uticaja na cjelokupnom prostoru korištenjem aktuelnih informacija o privredi, energetici, saobraćaju i ostalim granama,
- racionalizacija i optimalizacija broja administrativnih službenika, odnosno popunjavanje službi stručnim kadrovima za rad u GIS-u,
- transparentno upravljanje procesima razvoja BPK Goražde

Očekivani rezultati uspostave jedinstvenog prostornog informacionog sistema su:

- kontinuirani monitoring prostora i izvještavaju o svim uočenim promjenama, što će za rezultat imati bolje prostorno uređenje i zaštitu okoline,
- omogućena kontinuirana razmjena podataka između Ministarstva, kako vertikalnu sa općinskim organima, tako i horizontalnu sa nadležnim kantonalnim ministarstvima i Federalnim ministarstvima i Zavodima. Većina njih takođe koristi istu tehnologiju Oracle/MapInfo, što dodatno pojednostavljuje komunikaciju i razmjenu podataka,
- kroz ovakvu primjenu savremenih informatičkih tehnologija u oblasti prostornog planiranja približit ćemo se naprednim europskim upravnim institucijama sa efikasnom i transparentnom administrativnom praksom,
- ispunjavanje obaveza Ministarstva proisteklih iz zakonske regulative.

2. Poboljšanje energetske efikasnosti građevina

Energetska efikasnost podrazumijeva niz mjera koje se provode kako bi se na što bolji način iskoristavala energija i to tako da se koristi što manje energije za isti efekat, da se smanji negativan uticaj na životnu sredinu i ublaže klimatske promjene, te da se u zgradarstvu postigne što bolja udobnost prostora u kojem se energija koristi. Pojednostavljeno, energetska efikasnost znači upotrijebiti manju količinu energije (energenata) za obavljanje istog posla (grijanje ili hlađenje prostora, rasvjetu, proizvodnjuraznih proizvoda i dr.).

Uvođenjem mjera energetske efikasnosti u zgrade i objekte smanjuje se nepotrebno rasipanje i prekomjernu potrošnju energije čime korisnici zgrada ili objekata ostvaruju direktne financijske uštede i poboljšanje kvalitete boravka u istima. Osim uštede energije, mjere energetske efikasnosti će poboljšati životni standard ljudi koji žive ili rade u zgradi ili objektu a takođe pridonijeti zaštiti okoline kroz smanjivanje emisije stakleničkih gasova, uključujući i CO₂. Iskustva razvijenih zemalja u savremenoj energetskoj politici pokazuju da je racionalno korištenje i upravljanje energijom osnovna pretpostavka održivog razvitka.

U Federaciji BiH od 2009. godine, kroz sekundarnu legislativu donesenu od strane FMPU, na snazi standardi koje je neophodno poštovati prilikom izgradnje novih objekata i značajne rekonstrukcije postojećih. Isti su definisani kroz previlnik o tehničkim zahtjevima za toplotnu zaštitu objekata i racionalnu upotrebu energije, i daju minimalne tehničke, odnosno energetske parametre, koje je potrebno dostići u objektima.

Smanjenje energetske potrošnje i eliminisanje gubitaka energije su među glavnim razvojnim ciljevima EU, a na te principe obavezala se i BiH.

Od ukupne potrošnje energije u BiH, sektor zgradarstva učestvuje sa oko 55%. Pored toga, naši objekti su energetski neefikasni te je tehnički potencijal za povećanje energetske efikasnosti unutar istih značajan. Energetska efikasnost i održiva gradnja danas, u savremenoj energetici zauzimaju sve značajnije mjesto, te je potreba za sistemskim organiziranim djelovanjem i edukacijom na tom području u BiH sve izraženija

Strateški cilj Ministarstva je da kroz zakonsku regulativu, izradu energetskih audita, uvođenje software-a za sistematsko praćenje potrošnje energije, podršku projektima rekonstrukcije građevina u svrhu unaprijeđenja njihove energetske efikasnosti i promociju energetski efikasne gradnje postigne primjenu standarda racionalnog korištenja i upravljanja energijom a time i njeno smanjeno korištenje, veći kvalitet korištenja građevina, smanjenje uticaja na okolinu i produžavanje vijeka trajanja zgrada.

Pored navedenog, u 2018. godini Ministarstvo će se proširiti svoje aktivnosti i na poboljšanju energetske efikasnosti u stambenom sektoru. Planirana je izrada Akcionog plana za povećanje energetske efikasnosti u stambenom sektoru u BPK Goražde koji će dati smjernice za sprovođenje projekata i mjera energetske efikasnosti koji će rezultirati smanjenjem ukupne potrošnje energije u stambenom sektoru na području Kantona a posljedično i smanjenjem emisija CO₂ i ostalih polutanata.

3. Jačanje stambene politike

Obzirom da se radi o problemima iz nadležnosti rada Kantonalnog stambenog fonda Bosansko-podrinjskog kantona Goražde koji funkcionuše kao jedna od organizacionih jedinica u Ministarstvu za urbanizam, prostorno uređenje i zaštitu okoline, samo po sebi se nameće da je jačanje stambene politike u svim njenim segmentima strateški cilj u radu Ministarstva u narednoj godini,

Ovaj cilj se planira ispuniti realizacijom određenih programa koji se prije svega odnose na:

1. stvaranje alternativnih mogućnosti za zadovoljavanje stambenih potreba,
2. uvođenje prakse rješavanja stambenog pitanja putem neprofitno-socijalnog stanovanja za populaciju koja to ne može obezbijediti po tržišnim uslovima, kroz izdvajanje određenog broja stambenih jedinica sa kojima raspolaže Bosansko-podrinjski kanton Goražde za te namjene,
3. izgradnja novih i uređenje već izgrađenih stambenih jedinica u društvenom vlasništvu i
4. unapređenje stanja i oblasti kolektivnog stanovanja, regulisanje stambenih odnosa na način da se već postojeći propisi, a posebno Zakon o održavanju zajedničkih dijelova zgrada i upravljanju zgradana usklade sa novim zakonskim rješenjima na višem nivou (Zakonom o stvarnim pravima).

4. Unapređenje kvaliteta okoline kroz približavanje evropskim standardima u ovoj oblasti

U cilju zaštite okoline i smanjenja zagađivača, provodit će se aktivnosti u skladu sa Zakonom o zaštiti okoline ("Službene novine BPK Goražde", broj: 5/05, 11/10, 8/11), federalnim propisima i međunarodnim konvencijama. Ovim zakonom uređuje se: upravljanje, zaštita i unapređenje okoline, određuju mjere i upravljanja prirodnim resursima, mjere i postupci zaštite od štetnih uticaja djelatnosti po okolinu, učešće javnosti u aktivnostima zaštite okoline, finansiranje zaštite i njeno unapređenje i organizacija vršenja poslova zaštite i unapređenja okoline za Bosansko-podrinjski kanton.

Osnovna funkcija je kreiranje uslova za održivo korištenje prirodnih resursa, unapređenje upravljanja okolinom i sprječavanje njenog onečišćavanja kroz promjene zakonskog, upravljačkog, finansijskog i institucionalnog okvira, te njegove integracije u druge sektore poput turizma, energetike, industrije, poljoprivrede, šumarstva, saobraćaja i slično. Time će se stvoriti potrebni preduslovi za sprječavanje, nadzor i postupanje u pravcu smanjenja zagađenja zraka, tla i vode, racionalno korišćenje prirodnih izvora i energije na najpovoljniji način za okolinu.

Strateški cilj je unapređenje kvaliteta okoline kroz približavanje evropskim standardima u ovoj oblasti. Očekivani rezultati su unapređenje sistema praćenja kvaliteta okoline i usklađivanje zakonske regulative sa federalnim propisima. Realizacija većine planiranih aktivnosti je uslovljena osiguranjem sredstava iz budžeta Kantona, viših nivoima vlasti i fondova EU.

Planirane aktivnosti ovog strateškog cilja treba uskladiti sa: Prioritetnim ciljem 1. (Osigurati efikasnu uspostavu i instrumente implementacije mjera zaštite okoline i očuvanja prirode) u

okviru Strateškog cilja 3. (Osigurati održivo upravljanje okolinom i prirodnim resursima, te jačati komunalne infrastrukturne kapacitete u Kantonu) Strategije razvoja Bosansko-podrinjskog kantona Goražde za period 2016.-2020. godina; Akcionim planom za provedbu Strateškog cilja 1. Uspostaviti pogodno privredno okruženje i dinamičnu privredu, zasnovanu na prirodnim resursima i poslovnoj tradiciji iz Strategije razvoja kantona 2016.-2020. godina; Akcionim planom KEAP-a Bosansko-podrinjskog kantona Goražde za period 2016.-2022. godina; Mjerama iz Plana upravljanja otpadom Bosansko-podrinjskog kantona Goražde za period 2013. - 2018. godina, kao i njihovu integraciju u druge sektore (turizam, energetika, industrija, poljoprivreda, šumarstvo, saobraćaj, kadrovsko jačanje, kao i podizanje javne svijesti i promoviranje zaštite okoline).

Strateški ciljevi u resorima urbanizma, prostornog uređenja i zaštite okoline

1. Uspostava jedinstvenog prostornog informacionog sistema

Aktivnosti vezane za uspostavu jedinstvenog prostornog informacionog sistema će biti realizovane u saradnji sa Ministarstvom za privredu Bosansko-podrinjskog kantona Goražde, obzirom na zajedničku potrebu za istim a takođe i međusobnu nadležnost nad većinom oblasti u okviru sistema (poljoprivredno i šumsko zemljište, vode, infrastruktura, putne komunikacije itd). Planirane su slijedeće aktivnosti:

- Nabavka računarske opreme (kompletiranje servera i minimalno jednog računara) II kvartal
- Nabavka software-a odnosno web aplikacije kao što je Gauss Lupis ili slično..... II kvartal
- Instaliranje opreme i software-a i uvezivanje u lokalnu računarsku mrežu (LAN) III kvartal
- Obuka uposlenika Ministarstva za rad na računarskoj opremi i software-u IV kvartal

Sve aktivnosti u vezi uspostave jedinstvenog prostornog informacionog sistema prostornih podataka obavljat će Viši stručni saradnik za prostorno planiranje u Ministarstvu.

2. Energetska efikasnost kroz projekat rekonstrukcije objekata javnih ustanova

Na osnovu "Studije i plana energetske efikasnosti BPK Goražde" a nakon pristupanja BPK-a Goražde Projektu "Zeleni ekonomski razvoj"- "Institucionalizacija energetske upravljanja i povećanje energetske efikasnosti u BiH" Razvojnog programa Ujedinjenih nacija (UNDP) pristupit će se slijedećim aktivnostima:

- Izrada 10-15 energetske audita po prioritetima definisanim Studijom i planom energetske efikasnosti BPK Goražde,
- Izrada i realizacija najmanje 2 projekta rekonstrukcije javnih objekata prema prioritetima iz Studije i plana energetske efikasnosti BPK Goražde u svrhu poboljšavanja njihove energetske efikasnosti,
- Sufinansiranje utopljanja jedne kolektivne stambene zgrade, uz učešće stanara i jedinice lokalne samouprave,
- Nastavak aktivnosti na uspostavi i vođenju EMIS software i obuka korisnika o korištenju istog.

3. Informacija o provedenima aktivnostima iz oblasti energetske efikasnosti i postignutim rezultatima

Obzirom da je poboljšanje energetske efikasnosti građevina jedan od strateških ciljeva Ministarstva te da su se u nekoliko prethodnih godina provele značajne aktivnosti u ovoj oblasti ukazuje se potreba za analiziranjem istih i sumiranjem postignutih rezultata. To će se uraditi kroz izradu Informacije o provedenima aktivnostima iz oblasti energetske efikasnosti i postignutim rezultatima, u kojoj će biti navedene sve aktivnosti iz oblasti energetske efikasnosti u kojima je učestvovalo Ministarstvo, a analiza prikupljenih podataka o utrošku energenata će pokazati rezultate koje su ove aktivnosti postigli. Očekujemo da će Informacija konkretno pokazati korisnost povećanja energetske efikasnosti građevina i ukazati na potrebu da se nastavi sa aktivnostima u ovoj oblasti.

4. Izrada Akcionog plana za povećanje energetske efikasnosti u stambenom sektoru u Bosansko-podrinjskom kantonu Goražde

Akcioni plan je strateški dokument koji na bazi prikupljenih podataka o trenutnom stanju identifikuje i daje jasne i precizne smjernice za sprovođenje projekata i mjera energetske efikasnosti i korištenja obnovljivih izvora energije koji će rezultirati smanjenjem ukupne potrošnje energije u stambenom sektoru na području Kantona a posljedično i smanjenjem emisija CO₂ i ostalih polutanata.

Ciljevi Akcionog plana su smanjenje emisije CO₂ iz stambenog sektora, smanjivanje ukupne energetske potrošnje u stambenom sektoru i omogućavanje transformacije područja kantona u ekološki održivo područje.

Izrada Akcionog plana obuhvata sljedeće aktivnosti:

- Prikupljanje ulaznih podataka i analiza potrošnje energije,
- Izrada referentnog inventara emisije CO₂ prema analizama potrošnje energije,
- Izrada plana prioriternih aktivnosti za postizanje ciljeva smanjenja potrošnje energije i emisija CO₂,
- Određivanje mehanizama finansiranja za sprovođenja mjera energetske efikasnosti,
- Postavljanje ciljeva smanjenja potrošnje energije i pripadajućih emisija CO₂.

Očekivani rezultati koji će se ostvariti usvajanjem Akcionog plana su:

- Smanjenje potreba za toplotnom energijom u stambenom sektoru u odnosu na trenutne potrebe,
- Doprinos zaštiti okoline kroz smanjenje emisija CO₂ i drugih polutanata iz stambenog sektora u odnosu na trenutne emisije,
- Povećanje životnog komfora,
- Zadržavanje istih ili smanjenje trenutnih troškova za energiju.

5. Unapređenje "Neprofitno-socijalnog stanovanja" kao jednog od modaliteta rješavanja stambenog pitanja

Ministarstvo za urbanizam, prostorno uređenje i zaštitu okoline u narednom periodu planira donijeti preostale podzakonske akte propisane Zakonom o neprofitno socijalnom stanovanju i Strategijom razvoja neprofitno socijalnog stanovanja, kako bi se porenuo postupak apliciranja na veliki broj javnih poziva za dodjelu sredstava iz predpristupnih fondova EU, a koji

se odnose na neprofitno-socijalno stanovanje kao štup to već duže vrijeme rade ostale države u okruženju.

Donošenjem planiranih podzakonskih akata i ispunjavanjem uslova za pribavljanje stambenog fonda sredstvima EU te stambene jedinice će se rentati po nižim cijenama od onih koje vladaju na tržištu (neprofitnim cijenama), licima koja su u stanju stambene potrebe.

Poseban akcenat iz ove oblasti će se dati na provođenje planova iz Strategije i Akcionog plana neprofitno- socijalnog stanovanja za programirano vremensko razdoblje.

Sve ovo se planira realizovati kroz različite zasebne programe za koje će se u zavisnosti od ciljne grupe sačinjavati pravilnici u kojima će jasno biti određeni kriteriji koje je potrebno ispuniti za sticanja prava na rješavanje stambenog pitanja.

U predhodnoj godini je riješen status 38 stambenih jedinica nadograđenih na stambenim objektima u Goraždu za koje je pribavljena i upotrebna dozvola i čime su se ispunili uslovi za njihovo zakonito i regularno korištenje. Pomenuti stanovi će uglavnom biti korišteni u skladu sa programom koji će izraditi stručne službe ministarstva, a uglavnom će se koristiti u svrhu neprofitno-socijalnog stanovanja stambeno nezbrinutih osoba koje to ne mogu riješiti po tržišnim uslovima.

6. Izgradnja novih stambenih jedinica

U predhodnoj godini je započela realizacija projekta pribavljanja stambenih jedinica po novom modelu koji podrazumjeva pribavljanje novih stambenih jedinica namjenjenih rješavanju stambenog pitanja za stambeno-nezbrinute osobe pod povoljnijim uslovima od tržišnih. U 2018. godini planira se okončanje tog projekta čime bi se riješilo stambeno pitanje 28 stambeno-nezbrinutih porodica uz subvenciju i finansijsko učešće Vlade Bosansko-podrinjskog kantona Goražde.

Ako pomenuti projekat da očekivane rezultate i u slučaju da potražnja za rješavanje stambenog pitanja na ovakav način bude značajno veća od raspoloživih stambenih jedinica, u narednoj godini će se po sličnom modelu realizovati još jedan sličan projekat za koji su ispunjeni svi preduslovi (pribavljano zemljište, izvršeno geo-mehaničko ispitivanje i izrađen glavni projekat) i njegovom realizacijom stvorili bi se uslovi za rješavanje stambenog pitanja pod povoljnim uslovima za još 21 porodicu kao i pretpostavke za pokretanja najmanje 4 mala biznisa u poslovnim prostorima koji bi bili izgrađeni u predmetnom stambeno-poslovnim objektu.

7. Regulisanje imovinsko-pravnog statusa objekata u vlasništvu Bosansko-podrinjskog kantona Goražde

Od ukupnog broja objekata koji su u vlasništvu Bosansko-podrinjskog kantona Goražde dobar dio njih nema potpuno riješen status kako imovinsko-pravni (upis u zemljišne knjige), tako ni tehnički (odobrenje za upotrebu).

Takođe, dio objekata u vlasništvu Bosansko-podrinjskog kantona Goražde ne posjeduje odobrenja za upotrebu, odnosno njihovo zakonito korištenje, tako da će Ministarstvo u programskom periodu posebnu aktivnost pokrenuti za rješavanje imovinsko-pravnog statusa navedenih objekata te provoditi aktivnosti na rješavanju tehničkog statusa istih u smislu pribavljenja upotrebne dozvole za korištenje istih.

8. Unapređenje stanja okoline i osiguravanje boljih uslova života

Zaštitom okoline osigurava se cjelovito očuvanje kvaliteta okoline, očuvanje prirodnih zajednica, racionalno korišćenje prirodnih izvora i energije na najpovoljniji način za okolinu, kao osnovni uslovi zdravog i održivog razvoja.

Potrebno je kontinuirano preduzimati odgovarajuće aktivnosti i mjere na unapređenju i efikasnijoj zaštiti okoline, a u svrhu postizanja uravnoteženog i održivog razvoja Kantona kao ambijenta poželjnog za investiranje, rad i življenje. Time bi se unaprijedio sistem praćenja kvaliteta okoline i pružila finansijska podrška za realizaciju projekata iz ove oblasti.

U Bosansko-podrinjskom kantonu Goražde naročito je izražen problem upravljanja otpadom. Upravljanje otpadom predstavlja jedan od važnijih činilaca zaštite okoline, a time i održivog razvoja jedinica lokalne samouprave, te zbog toga predstavlja ključni problem koji se mora ubrzano rješavati izgradnjom sanitarne deponije. Nekontrolisano, neadekvatno i nelegalno odlaganje otpada predstavlja stalnu prijetnju zagađenju vode, tla i vazduha, a time i rizik za zdravlje ljudi i životinja. U cilju adekvatnog zbrinjavanja otpada potrebno je implementirati kantonalni Plan upravljanja otpadom, pojačati sistem praćenja i nadzora u svrhu ostvarivanja strateških ciljeva u oblasti upravljanja otpadom. Programom utroška sredstava na ekonomskom kodu Tekući transferi nižim nivoima vlasti, planiraće se sredstva za sufinansiranje projekata iz oblasti upravljanja otpadom.

Zbog naprijed navedenih problema, pristupilo se izradi Studije sa programom razvoja informacijskog sistema o otpadu na području Bosansko-podrinjskog kantona Goražde radi uspostavljanja informacionog sistema u oblasti upravljanja otpadom, koji će biti u skladu sa federalnim strateškim dokumentima. Izrada Studije će se završiti početkom godine. Osnovni cilj izrade ove Studije je stvaranje tehničkih preduslova za početak uvođenja adekvatnog sistema upravljanja otpadom na području Bosansko-podrinjskog kantona Goražde, zasnovanog na principima integralnog upravljanja otpadom, a koji propisuju Federalna strategija upravljanja otpadom, Federalni plan upravljanja otpadom i Kantonalni plan upravljanja otpadom.

Provesti javnu edukativnu kampanju i promociju zaštite okoline i održivog razvoja kroz odgojno-obrazovni sistem i poticanje zajedničkih edukativno-promotivnih programa.

Projekti očuvanja i zaštite okoline uglavnom će se finansirati sredstvima od posebne naknade za okolinu koja Fond za zaštitu okoliša F BiH doznačava na Podračun zazaštitu okoline Bosansko-podrinjskog kantona Goražde i koja se jedino mogu namjenski utrošiti za projekte iz ove oblasti. Ministarstvo planira i u ovoj godini putem transfera nižim nivoima vlasti,

neprofitnim organizacijama i pojedincima, finansirati projekte očuvanja i zaštite okoline. Planom i Programima utroška namjenskih sredstava Ministarstva za 2018. godinu definisaće se iznosi finansiranja, uslovi i dinamika pod kojima se sredstva dodjeljuju pravnim i fizičkim licima sa područja Bosansko-podrinjskog kantona Goražde.

Bosansko-podrinjski kanton Goražde planira u ovoj godini aplicirati projekte iz Akcionog plana Strategije i KEAP-a na Javni konkurs FondazazaštituokolišaFBiH za dodjelu sredstava za realizaciju programa, projekata i sličnih aktivnosti iz područja zaštite okoline za 2018. godinu. Do objave Javnog konkursa ne može se precizirati sa kojim projektima će se aplicirati, jer se ne zna koja će projekte Fond za zaštitu okoliša FBiH finansirati.

Kontinuirano raditi na obezbjeđivanju grant sredstava za realizaciju projekata iz ove oblasti.

REALIZACIJA I MONITORING

U dijelu Ciljeva i politike Bosansko-podrinjskog kantona Goražde za 2018. godinu, u kojem su ciljevi razrađeni po oblastima odnosno ministarstvima, vidljiva je nadležnost pojedinih ministarstava za realizaciju određenih ciljeva.

Bez obzira na činjenicu da su ciljevi definisani i u nadležnosti pojedinih ministarstava, gledajući u cjelini i ostvarenje ciljeva i politika Bosansko-podrinjskog kantona Goražde za 2018. godinu neće biti moguće bez koordinacije, saradnje i zajedničkog angažmana svih institucija i pojedinaca u organima zakonodavne i izvršne vlasti Bosansko-podrinjskog kantona Goražde.

Stalno praćenje aktivnosti i finansijskih tokova kroz redovno izvještavanje Vlade i Skupštine Bosansko-podrinjskog kantona Goražde doprinijet će stvaranju jasne slike koja se odnosi na potrebe granana Bosansko-podrinjskog kantona Goražde.

Praćenje realizacije Ciljeva i politike Bosansko-podrinjskog kantona Goražde za 2018. godinu biće kontinuirano i kroz planirani monitoring. Monitoring će osigurati praćenje svih programa, projekata, mjera, ciljeva kao i pravovremeno i potpuno informisanje Vlade i Skupštine Bosansko-podrinjskog kantona Goražde, poslovne, akademske, civilne i političke zajednice.

PRIJEDLOG MJERA ZA UNAPRIJEĐENJE RADA ČIJE ĆE PROVOĐENJE OMOGUĆITI STVARANJE PRETPOSTAVKI ZA PROVOĐENJE CILJEVA I POLITIKA UTVRĐENIH OVIM DOKUMENTOM

U predhodnim godinama došlo je do značajnog smanjenja prihoda i to isključivo prihoda od indirektnih poreza koji su dominantni i predstavljaju najznačajnije prihode za Budžet Bosansko-podrinjskog kantona Goražde. Prihodi od indirektnih poreza su prihodi na čije povećanje ili smanjenje naš Kanton, obzirom na svoju veličinu i učešće u ekonomskim aktivnostima, najmanje može uticati.

Sa druge strane, očekuje se da gotovo svi drugi porezni i neporezni prihodi na koje Kanton može uticati budu u porastu kao i predhodnih godina, ali je sve to, obzirom na učešće prihoda od indirektnih poreza, nedovoljno kako bi se kompenzirao negativan uticaj smanjenja prihoda od indirektnih poreza. Da bi se adekvatno reagovalo na očekivano smanjenje prihoda Bosansko-podrinjskog kantona Goražde Vlada Kantona i svi budžetski korisnici će poduzeti čitav niz mjera kako bi se omogućilo provođenje ciljeva i politika za 2018. godinu, ali i kako bi se unaprijedio rad te finansijska odgovornost podigla na viši nivo.

Te mjere će biti poduzete kako na prihodovnoj tako i na rashodovnoj strani Budžeta a iste uključuju:

- Poduzimanje odgovarajućih aktivnosti u cilju povećanja prihoda od poreza na imovinu i sprječavanje evazije istih. Saradnja i koordinacija između Kantona, opština u sastavu Kantona i Poreske uprave Federacije BiH se mora značajno unaprijediti.

- Zaključivanje ugovora sa poslovnim bankama o kreditiranju privrednih aktivnosti na području Kantona na način da Kanton deponuje određena sredstva s ciljem kreiranja fonda u poslovnoj banci uz obavezu banke da odvoji vlastita sredstva u što većem iznosu za uvećanje fonda, te da se na taj način obezbijede dodatna sredstva koja će biti plasirana pod povoljnijim uslovima privrednim subjektima na području Kantona. Na taj način će se obezbijediti dodatna sredstva, te utjecati na povećanje privrednih aktivnosti i javne potrošnje što je neophodno obzirom na pad prihoda od indirektnih poreza, te nemogućnost dodatnog kreditnog zaduženja Kantona.

- Poduzimanje svih potrebnih mjera i aktivnosti kako bi se prilikom izrade novog Zakona o pripadnosti javnih prihoda u Federaciji Bosne i Hercegovine prihvatili prijedlozi Ministarstva za finansije Bosansko-podrinjskog kantona Goražde te argumentacija iz analitičkih dokumenata koje je pripremito to Ministarstvo a sve kako bi se na način da će se Bosansko-podrinjski kanton Goražde pozicionirao na adekvatan način

- Aktivnije učešćem svih struktura vlasti u Bosansko-podrinjskom kantonu Goražde zajedničkom lobiranju na nivou Federacije BiH kako bi se u cilju fiskalnog izravnjanja Bosansko-podrinjskom kantonu Goražde u vidu transfera-grant doznačila potrebna sredstva odnosno kako bi se radi uravnoteženja novčanog toka jedan dio tih sredstava za 2018. godinu sa Federalnog nivoa vlasti ranije doznačio Bosansko-podrinjskom Kantonu.

- Jasno definisanje prioriteta prilikom dodjele podsticaja za privredne aktivnosti sa posebnim akcentom na dodjelu istih prevashodno subjektima koji su registrovani za obavljanje privrednih djelatnosti, a koji će uposliti nove radnike što će dovesti do povećanja broja zaposlenih a time i povećanja uplate poreza i doprinosa

- Rigoroznijom kontrolom provođenja postupka uvođenja korisnika u pravo po osnovu socijalne zaštite i revizijom postojećih rješenja odnosno socijalnih davanja moguće je spriječiti uvođenje, te izvesti iz prava one koji već ostvaruju primanja po ovom osnovu, a kojima ova davanja nisu neophodna i koji nisu i ne trebaju biti uvedeni u pravo na odreneni oblik socijalne zaštite.

- Rigoroznijom kontrolom odnosno provjerom ispunjavanja uslova po postojećim rješenjima za ostvarivanje dodataka na platu, te naknada koje nemaju karakter plate, a posebno naknade za prevoz na i sa posla moguće je ostvariti dodatne uštede.

- Intenziviranjem aktivnosti na naplati potraživanja, te poduzimanje zakonom predviđenih mjera u slučaju neispunjavanja ugovorenih obaveza

- Provođenje postupka javnih nabavki u skladu sa Zakonom o javnim nabavkama Bosne i Hercegovine, odnosno na način da se postigne povoljnija cijena i na taj način ostvare uštede u Budžetu Kantona

- Uvesti bolju kontrolu potrošnje materijala i sitnog inventara te odgovornije upravljati svim materijalnim troškovima, te u tom cilju započeti i projekat informatizacije rada organa uprave u Kantonu.

- Boljom kontrolom stvarnog korištenja usluga prevoza učenika od strane škola, te prevoza boračkih populacija moguće je napraviti uštede na troškovima prevoza.
- Smanjenje rashoda za nabavku stalnih sredstava
- Smanjenje tekućih transfera drugim nivoima vlasti, odnosno transfera prilikom kojih sredstva odlaze iz Kantona, to jest, transfera koji nemaju uticaja na povećanje potrošnje u Kantonu.
- Smanjenje tekućih transfera neprofitnim organizacijama iz razloga što ovi transferi nemaju efekta na povećanje zaposlenosti, te samim tim ni prihoda po osnovu poreza i doprinosa.
- Intenzivirati aktivnosti oko evidentiranja i uknjižavanja cjelokupne imovine BPK Goražde na području BPK Goražde i u drugim državama.
- Kontrola upošljavanja kod budžetskih korisnika mora biti pojačana te svako novo upošljavanje mora biti opravdano i dobro obrazloženo, te odobreno jedino u slučaju nemogućnosti popune tog radnog mjesta premještajem postojećih uposlenika. Osim toga potrebno je izvršiti provjere kod svih budžetskih korisnika u smislu da li određeni uposlenici ispunjavaju uslove za penzionisanje, te u tom slučaju iste bez odlaganja penzionisati.
- Preispitati rad komisija i naknada koje se isplaćuju za njihov rad, te predvidjeti da sve komisije koje svoje aktivnosti obavljaju u toku radnog vremena jer se u tom slučaju komisije ne plaćaju, a u isto vrijeme se povećava radni angažman uposlenika.

Navedene mjere ukoliko budu bez odlaganja provedene mogu u značajnoj mjeri pomoći u stvaranju pretpostavki za provonjenje ciljeva i politika Kantona, ali i unaprijediti rad značajnog broja institucija odnosno značajnog broja budžetskih korisnika.

Broj: _____/18
 _____ 2018. godine
 G o r a ž d e

PREDSJEDAVAJUĆA SKUPŠTINE

Aida Obuća